

CONSTITVTIONES

PRO SPIRITVALI, ET TEMPORALI
DIRECTIONE INSTITVTI CLERICO-
RVM SÆCVLARIVM IN COMMVNE
VIVENTIVM

APPROBATÆ

A SANCTISSIMO DOMINO NOSTRO

INNOCENTIO

P A P A X I.



BIBLIOTECA NAZ.
ROMA
EMANUELL.

ROMÆ, Typis Rev. Cam. Apost. M.DC.LXXXIV.

Superiorum facultate, & privilegio.

CONSTITUTIONVM
PRO SPIRITVALI, TEMPORALIQUE
INSTITVTI CLERICORVM SÆCVLA-
RIVM IN COMMVNE VIVENTIVM
DIRECTIONE.

PROOE MI VM.

Quemadmodum Institutum Clericorum Sæcularium in commune
viventium, à Sancta Sede Apostolica jam approbatum, tria
præcipue intendit: primò juventutis in virtutibus, & necessarijs stu-
dijs (; conformiter Sacro Tridentino Concilio sess. 23. de reformatio-
ne cap. 18.) institutionem, ut hac viâ semper boni Clerici, ad præ-
scriptam in hoc Instituto vivendi normam educandi & instituendi,
in Ecclesiâ Catholicâ ad procurandam salutem animarum haberi pos-
sint. Secundò privatam Clericorum, sive Sacerdotum Curatorum,
& in alijs beneficijs actu existentium directionem, quâ Deo benedi-
cente contra graviora pericula sæculi cum Clericalis ordinis decore
securè subsistere valeant. Tertiò curam Sacerdotum senum, aliorum,
que ex quocunque casu, seu defectu ad munia, & functiones Ecclesia-
sticas inhabilium. Ita & constitutiones præsentis pro directione Su-
periorum ejusdem Instituti in tres partes, eo, quo sequitur ordine in
Bullâ approbationis distinguuntur; incipiendo parte primâ de direc-
tione juventutis. Quâ viâ delectus bonæ juventutis pro Seminarijs ha-
beri possit &c. uti in contextu Constitutionum.

INNOCENTIVS

P A P A XI.

Ad perpetuam rei memoriam.

Sacrofancti Apostolatus Officium, quo Catholica Ecclesia per universum terrarum orbem diffusæ regimini, meritis licet & viribus longè impares, divinâ dispositione præsidemus, salubriter exequi auxiliante Domino jugiter satagentes, pia Presbyterorum, & aliorum Clericorum propriâ, alienæque saluti laudabiliter incumbentium Instituta paterno favore libenter prosequimur, & illis quæ pro felici eorum directione providè prudenterque constituta, atque ordinata esse noscuntur, ut firma semper atque illibata persistant, Apostolici muniminis adjungimus firmitatem. Aliàs siquidem pro parte dilectorum, filiorum Clericorum Sæcularium in communi viventium nobis exposito, quod Anno M.DC.XL. operâ tunc in humanis agentis Bartholomæi Holtzhauser inchoatum fuerat eorum Institutum, quod Deo opitulante in dies adeò excreverat, ut non tantùm à bo.mem. Ioanne Philippo dum vixit Archiepiscopo Moguntino, Sacri Romani Imperij Principe Electore, sed etiam ab alijs pluribus Archiepiscopis, & Episcopis in eorum Diœceses receptum, & expressè approbatum extitisset: & in eadem expositione subjuncto, quod Institutum prædictum, sub immediatâ jurisdictione Ordinariorum, ac directione unius Supremi Præsidis, prout dicti exponentes eisdem suberant, salubriter ordinatum, ac pro felici ipsorum exponentium & Instituti hujusmodi directione, rectæque juventutis institutione nonnullæ Constitutiones factæ fuerant: Nos supplicationibus eorundem Clericorum Sæcularium, & aliorum nomine nobis super hoc humiliter porrectis inclinatis, Institutum prædictum sub immediatâ jurisdictione Ordinariorum, & directione unius Generalis Præsidis, ac Constitutiones præfatas, toto illarum tenore inserto, auctoritate Apostolicâ confirmavimus & approbavimus. Ac eisdem Clericis Sæcularibus alias Constitutiones prædictis non contrarias pro spiritali, temporalique dicti Instituti directione ab hac Sanctâ Sede postmodum approbandas condendi facultatem impertiti sumus, & aliàs prout in nostris desuper in simili formâ Brevis die viij. Iunij M.DC.LXXX. expeditis litteris, quarum

4
tenorem præsentibus pro plenè & sufficienter expresso, ac de Verbo ad Verbum inserto haberi volumus, uberiùs continetur. Cum autem, sicut Clerici Sæculares in communi viventes prædicti denuo nobis nuper exponi fecerunt, aliæ Constitutiones hujusmodi pro felici prospectu tam in spiritualibus, quàm in temporalibus Instituti præfati, & sub illo nunc & pro tempore Deo Militantium regimine & gubernio conditæ, & in tres partes distributæ fuerint, quarum tenor à

P R I M A

P R I M A E P A R T I S

QVÆ AD DIRECTIONEM STUDIO-
SÆ IVVENTVTIS ET SEMINARIORVM
PERTINET, CONSTITVTIONE INCI-
PIENDO, EST QVI SEQVITVR,
V I D E L I C E T:

SVperiores in susceptione singulorum Adolescentum providè attendant, ut tam innocentià integros, quàm ingenio & indole præstantiores, servatis servandis, admittant, in hunc finem ad puerorum ingenia in oppidis & alijs locis à Sacerdotibus circumspiciatur, qui ex omnibus ad propositum hujus clericalis vitæ habiliores videantur.

I I.

Deindè aliqui bonæ indolis Pueri ad Domum Sacerdotum in Parochijs, cum consensu parentum recipiantur, & in certis locis tam hi, quàm alij Adolescentes à Sacerdotibus in rudimentis & Grammatica informantur, ut pro receptione ad Seminaria qualificentur.

I I I.

Vt exclusis ineptis aut indignis talis selectus fiat, Superiores studeant accuratam suscipiendorum noticiam præhabere, ne dimissio post faciendam damno, aut cuiquam oneri sit.

I V.

Suscipiendi, quantum fieri potest, habeant vehemens quoddam desiderium studendi, præstantis, aut saltem mediocris sint ingenij, pietate in Deum, ac devotione erga Deiparam, speciem filiorum Dei de se præbeant, naturalis eorum indoles ad virtutum viam facilè flexibilis sit.

Ani-

V.

Animo ità sint composito, & supra sæcularia desideria humiliter elato, ut modestiam, submissionem intellectus, & voluntatis flexibilitatem practicam ostendant, moderata quoque iræ, & aliarum passionum temperies, filialis quidam affectus erga hoc Institutum ità in illis elucere debet, ut prudenter conijci possit, quod fructuosè, & filialiter hunc clericalem statum suo tempore sint exornaturi.

V I.

Præusquam ad seminaria suscipiantur, Superiores notitiam Parentum, educationis puerorum, aliarumque circumstantiarum, item Testimoniales studiorum, & natalium habeant; fiat examen practicum studiorum, & alia omnia observentur, quæ pro seminarijs præscribi solent. Quibus peractis admittendi Superioribus hujus Instituti simplicem promissionem faciant, quod in hac Clericali vita, quantum fieri potest, ad dies vitæ vivere intendant; ità tamen, ut si in progressu temporis sub studijs à proposito ex rationabili causa recederent, solummodò sumptus eorum sustentationis causâ factos refundere obligati sint, nisi paupertas excuset, aut qui ditiores sunt ob morbum, vel aliam rationabilem causam, & non ex culpa, aut propriâ voluntate eorum dimittantur.

Adolescentes in Seminarijs in tres studiorum Classes distribuendi, eorumdemque obligatio ad hoc Institutum.

V I I.

VT Iuventutis educatio debito ordine instituat, illa in tres classes studiorum distribuatur, per quas tanquam per gradus Invenilis animus ad scientiarum, & virtutum viam in ordine ad Clericalem statum sursum ducatur.

V I I I.

In prima Classe erunt Adolescentes tonsurâ Clericali insigniti à syntaxi usque ad Rhetoricam inclusivè, & hæc prima classis pro qualitate mediorum ordinanda erit. Secunda classis complectitur Philosophos à principio usque ad finem Philosophiæ, qui susceptâ tonsurâ Clericali se dignos reddiderint, ut jam solidiùs in disciplina & scientijs adolescant.

I X.

Vt prædicti Adolescentes sic admittantur, requiritur primò, ut singulis annis gradum ad altiorem scholam fecerint, & in summo vel saltem mediocri gradu docti ex Rethorica ad philosophiam sint promoti. Secundò, ut quantum fieri potest, sint in æquali ætate. Tertiò, ut illud

lud Specimen morum, maximè fraternæ concordix, modestix & obedientix dederint, quod solidam spem faciat, eos strenuos hujus Clericalis vitæ, & Ecclesiæ Catholica milites evasuros. Quartò, ut revelationem sui hominis interioris filiali candore eos fecisse judicetur. Quintò, ut zelum animarum, pietatem erga Deum, & Sanctos, & affectionem erga res cœlestes habere agnoscantur. Sextò, ut nullum Canonicum impedimentum, vel corporis deformitatem, ac defectum contraxerint, quæ huic Clericali statui damnoſa esse possint: In defectu autem prædictarum qualitatum potiùs maturè dimittendi erunt: prædictis verò concurrentibus, & promissione Superioribus hujus Instituti factâ quod in hac Clericali vita constanter vivere velint, ad secundam Classẽ admittentur.

X.

In tertia classe continentur Theologi, Canonistæ, alijque à fine Philosophiæ usquè ad Sacerdotium, qui tales vitâ & moribus extiterint, ut de illorum Clericali vocatione rationabiliter dubitari non possit: & hi susceptis minoribus ordinibus juxta studia publica in Vniversitatibus, Domi, sive in Seminarijs, porissimùm in ijs, quæ ad salutem animarum procurandam necessaria sunt, informabuntur.

XI.

Priusquàm verò ad eam admittantur, per juramentum ad hoc Institutum se obligabunt, ita quidem ut qui alumni simul fuerint in Seminario cujusdam Ordinarij, vel alterius Parroni, Instituto concredito, ad instar illorum ab Archiepiscopo Moguntino, & Episcopo Herbipolensi, & Augustano Instituto concreditorum, utroquè respectu tam erga Ordinarium loci, quàm erga Institutum sequenti formulâ id præstent.

XII.

Ego N. filius N. Diœcesis N. Seminarij N. Alumnus, plenam habens Instituti Clericorum Sæcularium in Commune viventium, & hujus Seminarij statutorum notitiam; legibus & constitutionibus utriusquè me spontè subijcio, easquè, quantum in me erit, observare promitto. Insuper spondeo, & juro me sub jurisdictione Reverendissimi (vel Eminentissimi) Domini Ordinarij mei, seclusâ omni exemptione in supradicto Instituto Clericorum, qui secluso sœminarum consortio bini, vel plures pro locorum qualitate cohabitant, & bona sua ex beneficijs & functionibus Ecclesiasticis provenientia in communes pios usus, juxtâ constitutionem 19. Sacerdotum conferunt, atque sub privatâ, & œconomica unius Superioris directione vivunt, sive intra sive extra Seminarium semper victurum, & moriturum. Insuper spondeo, & juro, quod dum in hoc Seminario permanebo, vel alibi applicatus fuero, si urgens necessitas à Superioribus hujus Instituti approbata, mutatio-

rationem statûs postularer, nullam Religionem, Societatem, aut Congregationem regularem, vel etiam quemcunque statum sine speciali ejusdem Reverendissimi Domini Ordinarij mei licentiâ ingrediâr. Denique spondeo, & juro me prædictum Iuramentum, ejusque obligationem intelligere, & observaturum. Sub die N. Mensis N. Anno N. sic me Deus adjuvet, & hæc Sancta Dei Evangelia.

XIII.

Qui verò alumni in Seminarijs Ordinariorum non fuerint, & in Seminarijs huic Instituto proprijs educantur, Iuramentum in formula sequenti præstabunt.

Ego N. Filius N. Diœcesis N. plenam habens Instituti Clericorum Sæcularium in commune viventium notitiam, legibus & constitutionibus ipsius me spontè subijcio, easque, quantum in me erit, observare promitto. Insuper spondeo, & juro, me sub directione privata, & œconomica Præsidis supremi, ejusque in hoc munere legitimis successoribus, salvâ per omnia Reverendissimi Dñi Ordinarij mei auctoritate, & Jurisdictione, in supradicto Instituto Clericorum, qui secluso fœminarum consortio bini, vel plures pro locorum qualitate cohabitarent, & bona sua ex beneficijs, & functionibus Ecclesiasticis provenientes in communes pios usus juxta constitutionem 19. Sacerdotum conferunt, semper victurum & moriturum. Insuper spondeo, & juro, quod dum in hoc Seminario permanebo, vel alibi applicatus fuero, siurgens necessitas à Superioribus hujus Instituti approbata mutationem statûs postularer, nullam religionem, Societatem, aut congregationem regularem, vel etiam quemcunque statum, sine speciali supremi Præsidis hujus Instituti licentiâ, ingrediâr. Denique spondeo, & juro me prædictum Iuramentum, ejusque obligationem intelligere, & observaturum. Sub Die N. Mensis N. Anno N. sic me Deus adjuvet, & hæc S. Dei Evangelia.

XIV.

Iuramento prædicto non obstante facilè antè susceptos majores Ordines circa finem studiorum suscipiendos, ob rationabilem causam, adolescentes ad Sæcularem statum, habitâ debitâ licentiâ à Superioribus hujus Instituti, & insuper si Alumni sint à Reverendissimo Ordinario, transire poterunt, ne inviti, aut gravem difficultatem sentientes ad statum Clericalem trahantur, in quo postea ad scandala declinent; Solutis prius sumptibus sustentationis, nisi illis in hoc casu pro parte, aut ex integro condonentur.

*De rebus Spiritualibus, & alijs in quibus Adolescentes juxta Cursum
Studiorum in Seminarijs informandi sunt.*

XV.

Iuxta Classium prædictarum distinctionem Inventus etiam tres vias spirituales tenebit: videlicet viam purgativam, in qua ad vitam innocentiam, ad moderandas passiones, ad fugienda peccata pro cuiusque ætate, & datâ gratiâ sedulô impellantur; Viam illuminativam in qua dogmata fidei nostræ Catholicæ, universæque doctrinæ Christianæ principia, & proprii sui hominis interioris cognitio, unâ cum facilio-ribus rectè vivendi regulis, ipsis ex proposito maturè instillantur: Viam deniquè perfectivam, in qua ad consequendam perfectionem status Clericalis sibi possibilem, & Ecclesiæ salutarem conabuntur.

XVI.

Vt adolescentes in prædictis instituantur, saltem singulis diebus Dominicis à meridie per horam in loco cuiusque classis Pater Spiritua- lis certam materiam ita succinctè & clarè tractabit, ut singuli termi- norum seriem memoriæ tradere, & prædictarum viarum scientiam suc- cessivè facili negotio assequi valeant.

XVII.

Ante omnia Magistri virtutum Adolescentes primæ classis instruant de rectâ intentione in examine, alijsquè exercitationibus spiritualibus persolvendis, quomodò sub sacrificio missæ spiritualitèr communica- re possint; In scientia quoque rerum cœlestium ex professô à Patre Spi- rituali probè perito informentur. In Doctrina Christiana principia, fidei uberius quàm in communi parvulorum Catechesi fieri solet ex Catechismo Romano per ordinem iisdem tradantur, uti & significa- tio Sacrarum cæremoniarum, virtus Sacramentalium, & similia.

XVIII.

Contra insidias hostium spiritualium cautè roborentur per instru- ctionem cognitionis sui ipsius, & diversarum tentationum noticiam, in quem finem inserviet libellus B. Salesij philothea dictus, & ille qui de imitatione Christi inscribitur, ex quibus Pater spiritualis, uti etiam ex materia de discretionem spirituum clientes suos prudenter informa- bit.

XIX.

Pariter Magistro Spirituali curæ sit, ut ex cognitione Dei, & benefi- ciorum ejus clientes suos ad divinum, & filialem amorem; ex præstan- tia & benignitate B. V. M. ad ejusdem devotionem; ex custodia San- ctorum Angelorum, & meritis Sanctorum, ad eorum cultum, ac Pa- tronorum electionem; ex quatuor novissimis, & pœnis impiorum ad
timo-

timorem Domini; ex notitia passionum ad propriam cognitionem, & ex hac ad sui ipsius contemptum, & dissidentiam: atque ex alijs virtutibus spiritualibus ad studium rerum cœlestium impellantur; super quæ tanquam rudimenta, solidæ virtutes successu temporis adificuntur.

XX.

Vt Adolescentes secundæ classis in via spirituali progrediantur, à Patre Spirituali in modo meditandi instruuntur, & non tantum præcepta meditandi tradat, verum etiam in praxi ostendat, quomodo ex particulari themate meditatio ordinanda sit; materias quoque subinde eisdem designet, eamque in puncta dividat; peractâ quoque meditatione examen desuper instituat, in quo successus examinetur, & errores per utilia documenta ostendantur; ea verò materia pro hac classe studiorum ex doctrina & vita Christi, & Sanctorum desumatur, quæ ad extirpationem vitiorum, & solidarum virtutum implantationem ordinata visa fuerit.

XXI.

Post instructionem de modo meditandi, Pater Spiritualis ad tradendam Christianarum virtutum, & oppositorum vitiorum doctrinam progredietur, quam ex materia de Christiana Clericorum perfectione desumat, instruendo clientes suos; primò in virtutibus theologis ex quibus Deum timere, & diligere addiscant; deinde naturam & finem virtutum Cardinalium, quæ sunt veluti columnæ salutis nostræ, eosdem instruat, non minùs de vera humilitate, patientiâ, & abnegatione propriæ voluntatis, earumque oppositis defectibus informantur; & denique in omnibus alijs virtutibus quibus homo interior in ordine ad salutem æternam perficitur; medium quoque discretionis in omni virtute perspicuis rationibus, & exemplis practicè doceantur, ne ad extrema desectant.

XXII.

In hunc finem inserviet libellus qui inscribitur pugna spiritualis à S. Francisco Salesio summopere commendatus, accedente practicâ instructione Patris Spiritualis ad pugnandum contra passionem & vitia, per virtutes oppositas, præsertim contra vitium quoddam particulare, super quo, ejusque virtute oppositâ exercendâ etiam particulare examen frequentius instituendum erit, in quibus, & in omni aliâ congruâ occasione pater spiritualis clientibus suis practicum exercitium ad manus dabit.

XXIII.

Ex singulis erroribus occasio erudiendi, & contra vitia pugnandi, propositumque in posterum formandi, adolescentibus à Patre Spirituali ad manus detur, ea practicâ instructione quâ virtutis via, & ip-

sum exercitium congruè perspicuitate pateat, & animus ingenuus cum facilitate & iucunditate ad illud inducatur. In quem finem Pater Spiritualis cum clientibus suis toties colloquium particulare instituet, quoties singulorum indigentia propria requireret, exercitia quoque spiritualia annua statuto tempore eisdem præscribet.

XXIV.

Adolescentes tertiæ classis vocationis suæ clericalis scopum maturè cordi habentes, viz perfectivæ se accingant, ut eorum homo interior, & exterior in omnibus ijs qualitatibus perficiatur, quæ in ordine ad salutem proximorum imprimis ordinantur, ut jam non solum, sibi, verùm etiam alijs vivere & studere incipiant.

XXV.

Postquam in reformatione hominis sui interioris ritè instructi fuerint, viz regie virtutum insistentes ad reformandum suum hominem exteriorem convertentur, eas virtutes, & qualitates sub directione Patris Spiritualis sibi comparando, quæ in statu Clericali ad vitam activam in hoc sæculo necessaria sunt, in quem finem informabuntur per ordinem in exercitio externarum virtutum, qualiter se erga omnis generis homines christianè exhibere debeant, similiter de discretione spirituum, & universo officio pastoralis in multà charitate præstando, practicè erudiantur, ut in singulis actionibus secundùm unam, uniformemque normam se moderari sciant.

XXVI.

Primum locum in ordine doctrinæ discretio obtinebit, tanquam moderatrix humanarum actionum: & cum duo hominem exteriorem in ordine ad vitam activam perficiant: primò ipsæ virtutes, secundò modus operandi ad extra, adolescentes in utroque informandi sunt. Inter virtutes, quoad modum instituendi Juventutem, prima est mansuetudo hominis Christiani, consistens in verbis & actionibus, quæ erga omnes omni occasione superabundare debet; deindè humilitas, conjuncta tamen cum decore vestium, actionum, verborum, & totius hominis venustate, personæque sacre gravitate.

XXVII.

Tertium locum affabilitas sibi vendicat, ut cum Christiana suavitate ad ædificationem conversatio fiat: cujus comes est Modestia, plurimarum rerum moderatrix, quæ effusionem nimiam sui ipsius coërceat. Sequitur eutrapelia, ut cum iucunditate recreationi locus detur: deindè charitas externa, quæ præ se alijs cedit, in multis condescendit, pacem cum omnibus habet, & alios obsequijs prævenire gestit, neque est sensitiva, aut apprehensiva.

XXVIII.

Præterea modum rectè operandi ad extra, aliz quædam virtutes.

prin.

principales discretum reddunt, quæ sunt prudentia, fortitudo spiritus, justitia, temperantia, & circumscriptio.

X X I X.

Inter objecta operandi ad extrâ conversatio utilis in omni occasione, & quaestione proposita cum omnis generis hominibus primum locum obtinet, cui succedit modus catechizandi parvulos, cum ratione, & dexteritate: item modus docendi scholas particulares, ut adolescentes ingenio præstantes in doctrina pronunciant: item discretio spirituum, ingeniorum, & naturarum.

X X X.

Præsertim verò modus audiendi confessiones, juvandi animas, agendi cum ægrotis, scrupulosis, & desperabundis, pusillanimibus, melancholicis, & alijs hominibus, qui vel corpore, vel sensu, vel animâ periclitantur: quâ scilicet dexteritate ad eorundem medicinam salutarem, & ædificationem sit agendum, cui succedit modus concionandi, & perorandi, ut animæ utiliter, ac nervosè fale verbi Dei condiantur: Sequitur modus administrandi res temporales, ut cum debita dexteritate & discretione, sine nota avaritiæ, & prodigalitatis in omnibus agatur. Denique modus regendi sibi subditos tam Sæculares in beneficijs curatis, quàm ipsosmet hujus Instituti Clericos cum moderatione, dexteritate, charitate ad ædificationem.

*De quotidianis exercitationibus, frequentatione scholarum,
& repetitione domestica.*

X X X I.

SVperiores enixè laborent quatenus Adolescentes omni tempore honestâ aliquâ occupatione à vago mentis intuitu & otio revocent: In quem finem distributio diurni temporis in quovis Seminario ordinetur, quæ ejusmodi (mutatis mutandis) esse poterit.

X X X I I.

Manè surgentes statuto tempore ea observent, quæ in stationibus sunt præscripta; quibus finitis Adolescentes inferiorum scholarum, per quadrantem horæ lectionem spiritualem instituunt: Studiosi verò secundæ & terciæ classis per mediam horam meditentur; deinde omnes simul Sacrificio Missæ devotè intersint: reliquo tempore studijs invigilent usque ad tempus frequentandi scholas: post scholas, si tempus super sit, studia continuabunt: uno quadrante ante prandium litania omnium Sanctorum juxta stationes persolvant: sub praudio & cœna studiosi terciæ classis per ordinem legent scripturam sacram, constitutiones, aliosque libros asceticos; juxta Superiorum dispositio-

tionem: studiosi verò secundæ classis per ordinem ad secundam mensam legent.

XXXIII.

Post prandium recreatio uniformiter ab adolescentibus observetur, finita recreatione aliquid temporis addiscendo cantui tribuant: Theologi verò maturiores pro illo tempore in cæremoniis & ritibus sacris exerceantur: postea rursus studiis invigilabunt, ita tamen ut Theologi, per quadrantem horæ ante studia in Sacræ Scripturæ explanatione se exerceant: finita frequentatione scholarum assignato tempore studia vel repetitiones fient: uno quadrante horæ ante cœnam pro meditatione sequentis diei se præparabunt: Post cœnam diebus veneris & Sabbathi breve colloquium spirituale paulò ante rosarium instituetur.

XXXIV.

Diebus festis & Dominicis tam sacrum solemne, quàm concio capui & frustui adolescentum accommodata in Seminariis pro adolescentibus trium harum classium habeatur; reliquum tempus pro Superiorum Ordinatione utiliter impendens.

XXXV.

Prædictis his diebus, finita scholâ spirituali, & Vesperis cantatis, exercitia reliqua ut diebus alijs perficient. Cæterum ad Divina Officia, aut conciones foris frequentandas non faciliè emittantur; sub cœna loco lectionis theologi per ordinem succinctum Sermônem per modum concionis in lingua vulgari habebunt.

XXXVI.

Ad scholas publicas, ubi adsunt, cujuscunque loci, audito prius domo sacro mittentur, servato à Rectoribus Gymnasiorum & Universitatum præfixo tempore. Ad scholas per plateas bini modestè incedant, ac finitis scholis sic revertantur prudentiore semper direttore constituto. In scholis seorsim eâ modestiâ sedeant, ut alijs morum exemplum præbeant.

XXXVII.

Ut Adolescentes primæ classis solidius in studiis progrediantur, ijs Prædagos quosdam domesticos pro repetendis lectionibus & conficiendis argumentis superiores adjungant, qui eisdem pariter in disputationibus domesticis præsent, & in studiis suis per omnia ad debitum profectum sedulâ diligentia eisdem excolant.

XXXVIII.

Philosophi præter privatas inter se repetitiones, singulis septimanis determinatâ die, repetitionem omnibus præsentibus per ordinem habebunt, & in fine studiorum suorum prævio examine domestico, nisi ad publicas in Universitatibus defensiones fuerint admissi, sal-

tem in Seminario ex universo studio suo theses defendent.

X X X I X.

Adolescentes tertiæ classis, ex theologiâ speculativâ, statuto die, unâ horâ repetitionem instituant; similis repetitio saltem singulis mensibus semel, distinctis diebus instituetur ex theologiâ Morali, juxta Canonico, & studio controversifico, juxta particularem superiorum ordinationem; uti & scripturæ sacræ expositio, repetitio pastoralis; pro quibus utiliter expendendis universo studiorum negotio præficiatur unus Sacerdos, qui in singulis studijs aptior ad hoc præstandum judicabitur.

De Oeconomica Ordinatione Seminariorum, victu, & vestitu Adolescentum.

X L.

VNiversim Superiores pro viribus laborabunt, ut Seminaria bene sint ordinata, eorumque debita cura habeatur; Pro custodia domûs ac Ianuæ homo laicus fidelis & maturus constituatur, qui sine expressâ Superioris licentia extraneos ad Adolescentes in domum non intromittat, aut Adolescentes exire permittat; coqui & alij domesticæ pariter sint fideles, maturi, patientes, & charitativi.

X L I.

In communi oratorio, & refectorio suas consuetas preces omnes persolvant, ac refectionem sumant; cætera in tres contignationes distinguantur, & in singulis singularum Classium juvenus in uno amplo Musæo, vel duobus cohabitent, ibique repetitiones solitæ peragantur.

X L I I.

Pariter unum vel duo dormitoria in quavis contignatione, cum annexa camera Magistri spiritualis constituantur; ita ut in dormitorio omnes & singuli, cum certa interdistinctione secundum debitam honestatem, extra conspectum mutuum seorsum dormiant.

X L I I I.

In victu, vestitu omnes æqualiter habeantur, & ingenuè eatenus tractentur, quatenus animorum ingenuitas, ad superandos studiorum labores, magis jucunditate, quàm servili timore excitetur.

X L I V.

Vnde mensa quotidiana frugalis erit, ut non solum temperantiam, unâ cum verâ ingenuitate ab adolescentia imbibant, sed etiam bonam corporis complexionem, animumque alacrem acquirant. Color vestium perpetuò niger sit; qualitates autem cæteræ nullam vanitatem,

tatem, aut inæqualitatem, vel luxum, sed magis honestatem, & modestiam demonstrent.

X L V.

Pro servando debito in omnibus ordine, sit in quovis Seminario horologium, & campanula exactæ temporis distributioni serviens; sit item infirmania ex qua ad Oratorium fiant fenestræ per quas infirmi quotidianum sacrum, ac preces reliquorum valeant percipere.

X L V I.

Superiores debite attendant ad Bibliothecam, vestiarium, dormitoria, cellam, culinam & similia: claves ad portam Seminarij noctu Director habeat.

De distinctione, receptione, & fundatione Seminariorum.

X L V I I.

Seminaria Iuventutis possunt esse Pontificia, & alia his similia, pro Clericis & animarum curatoribus ad quasvis mundi partes mittendis; vel Regum ac Principum pro certis Regnis & Provinciis; vel Archiepiscopalia, & Episcopalia pro Archidiocesi, aut ampliore Diocesi; & denique Seminaria propria huius Instituti erecta & fundata per patronos, & per media communitalis, præcisè pro hoc Instituto; quorum ultimorum, quoad media foundationis, plenum Dominium, penes idem Institutum erit; Quoad reliqua Seminaria, quorum Dominium vi foundationis, ad Patronos spectat, vel Patroni certa media pro fundatione stabili huic Instituto, aut tantum certos annuos proventus Directoribus Seminariorum consignare poterunt, ex quibus certus studiosorum numerus sustentetur.

X L V I I I.

Adolescentes, qui vi Alumnatus ad certas Dioceses, aut Provincias obligantur, non nisi ex speciali favore patroni, in casu alicujus specialis necessitatis, aliò mitti possunt; substituta tamen si ita Patronus requirat alterà personà qualificatā. Educati quoque in Seminaris huic Instituto proprijs, etsi ad certam Diocesim non obligentur, regularitèr tamen in territorio, ubi Seminarium situm est, manebunt, & quando illa Diocesis indiget, eidem inservient; ita tamen ut in casu necessitatis ad quæcumque loca ex ordinatione Superiorum huius Instituti mitti possint.

X L I X.

Media pro fundandis Seminaris eidem Instituto proprijs haberi possunt, vel ex collatione reddituum Ecclesiasticorum juxta Constitutionem 19. Sacerdotum, aut ex bonis hæreditarijs ex libera voluntate sic applicandis, aut denum ex illis quæ à Patronis spontè
con-

conferuntur : Ita tamen ut personæ particulares hujus Instituti ex redditibus suis primò propriæ Parochiæ , seu beneficii oneribus sufficienter prospiciant , & superiores ex medijs in massa communi jam collectis alijs Instituti æquè vel magis necessarijs communibus oneribus similiter prospiciant .

L.

Vbi Seminaria jam fundata existunt , quæ Directioni Superiorum hujus Instituti ejusdem fini conformiter tradere placebit ; si media foundationis non sufficiant , prò integritatis exigentia , media communitaris (si ad manum fuerint) eà conditione authentico instrumento adjectâ applicari poterunt , ut casu quo ejusdem Seminarii directio à Clericis Instituti non continuaretur , Supremus Instituti Præses , bona illa , quæ Institutum de suis adjecit , liberè alio transferre possit & valeat .

L I.

In acceptandis Seminarijs , traditio fini hujus Instituti non sit contraria ; reliquæ conditiones fundatoris arbitrio manent subjæctæ ; ut inhabiles excludantur , Adolescentum susceptio , & eorum directio vel plenè à Patronis , Superioribus Instituti concedatur , vel saltem ut iisdem à Patronis jus , & potestas fiat , ipsis idonea subjæcta nominandi , prævio accurato examine , & probatione sufficiente , quatenus sic digniores à Patronis recipiantur , qui recepti in Instituto vivere tanquam vera ipsius membra postmodum obligari maneant .

L I I.

Quod si Ordinarij locorum annua ratiocinia à Directoribus Seminariorum petant , uti & per se , aut per alios visitando domesticam gubernationem juxta dispositionem Concilij Trid. sess. 23. de reform. cap. 18. inspicere voluerint , id constitutionibus à S. Sede Apostolica confirmatis conformiter fiat ; ita tamen ut de redditibus Seminarii nihil alienare possint , & in alios usus convertere .

L I I I.

Superiores cujusque Seminarii præter mensam certum aliquod salarium habeant , si aliter de competente beneficio Ecclesiastico provisi non fuerint , cætera verò quæ ex communi massa per annum restabunt , in iisdem Seminarijs pro futuris eventibus ac necessitatibus asservabuntur ; quod intelligitur , si modò continua talis Seminarii administratio hujus Instituti Clericis relinquatur ; cæteroqui enim talia dispositioni Superiorum hujus Instituti reservabuntur , quorum proinde calculus eisdem quoties visum fuerit , per modum ratiocinii exhibendus erit .

L I V.

In casu dimissionis alicujus à Seminario , si restitutio sumptuum facienda .

cienda sit, fiet Seminarijs Patronorum, in quibus tantum certa portio pro sustentatione adolescentum per annum assignatur; in alijs verò Seminarijs in quibus bona foundationis ad Institutum spectant, talia ad massam communem illius Seminarij tradantur, ut alij Iuvenes exinde sustententur. Ratiocinia in præsentia Patronorum Ordinarijs exhibenda juxta constitutionem § 2.

Vbinam Seminaria esse debeant, & ejus nationis adolescentes in iisdem sint educandi.

L V.

Ordinariè in quavis ampliore Diœcesi, ac à potiori in quavis Archidiœcesi unum Seminarium, & (quantum fieri potest) juxta eas Academias & universitates habeatur, vel erigatur, ubi studia & disciplina abundantius floreant, ita tamen ut Seminaria ultra necessitatem non multiplicentur; quod si in tali districtu nulla universitas esset, in qua scholæ majores ab ijs doceantur, qui docere solent, tum Sacerdotes hujus Instituti in tali casu tam sacras, quam profanas litteras docebunt.

L V I.

Cum Sacerdotes & Clerici hujus Instituti sub Jurisdictione Ordinariorum, tanquam veri, & simpliciter proprièque dicti Clerici parati sint in toto terrarum Orbe curam animarum administrare, mediantibus medijs temporalibus, ab Ordinarijs locorum, vel aliundè pro formandis Seminarijs deputatis & collatis (ad quod præstandum dictos Clericos sumptibus suis impares esse per se constat) ut per bonam instructionem juventutis ad Seminaria ordinariè adolescentes propriæ patriæ assumantur, qui sint ad omnem laborem impigri, ac patrio solo assueti, ut sub hac ipsa disciplina usquè ad mortem subsistant.

L V I I.

Cùm solida & stabilis disciplina pro bonis Clericis, & curatis formandis in domo in qua diversæ conditionis, statûs, ordinis, & vocationis adolescentes commorantur, servari non possit, idèò ad Seminaria hujus Instituti propria, vel Ordinariorum presbyteris hujus Instituti concedita nullus suscipiatur qui in hoc Instituto non velit, vel actu vivere, vel animum saltem sic vivendi habeat. Quod si tamen ex gravissima causa convictores quidam suscipiendi forent, iisdem expressâ hac conditione, & non aliter suscipiantur, ut in Seminario disciplinæ domesticæ per omnia & in omnibus absquè ulla prorsus exemptione se accommodent.

L V I I I.

Non obstante quod adolescentes ad Seminaria suscipiendi ordinariè (nisi excellentia talentorum, & circumstantiæ graves contrarium suadeant) ejus nationis esse debeant, in quo loco suscipiuntur, inter adolescentes tamen sub studijs transplantatio, quoad diversas nationes sic fieri poterit, ut finitis studijs ad Seminaria in Terris proprijs revertantur. Excipiuntur quoque Seminaria fundata eà intentione, ut sic educati ad qualvis mundi partes, vel ad loca hæretica mittantur cum Ordinariorum consensu; si ea in eorundem Diocæsisbus sunt, vel ad alia, cum S. Sedis Apostolicæ licentia: ad hæc enim juvenes diversæ nationis insignes, præsertim qui sub disciplina hujus Instituti alibi in Seminarijs jam vixerunt suscipi possunt,

Quis curam Seminariorum habeat, & quinam singulis sint præficiendi.

L I X.

SI Seminarium amplioris Diocæsis sit, à cæteris Diocæsisbus unius Archiepiscopatus independens, principalem curam ejusdem habebit Præses Diocæsanus: si verò pro tota Archidiocæsi inserviat (in qua etiam quoad domum emeritorum, & bona communitatis, mutus sit usus) Præses Archidiocæsanus ejusdem curam habebit, singulis annis bis visitando, diligenterque illius politiam domesticam, tam in spiritualibus, quàm in temporalibus inspiciendo, & cuncta ad debitam formam reducendo, aut in eà conservando, mediorum quoque temporalium, & emolumentorum incrementum, mediante œconomio sibi adjuncto, rationem habebit; in Seminarijs proprijs directores, aliosque magistros tam virtutum, quàm studiorum præficiet, & pro rei utilitate aut necessitate amovebit: In Seminarijs verò Episcopalibus huic Instituto ab Ordinarijs concreditis, personas capaces Reverendissimis DD. Ordinarijs nominabit, ut ab ipsèd auctoritate ordinariâ Seminarijs præficiantur.

L X.

In quovis Seminario erit primò Director, sive Regens totius Seminarij, qui prudentiâ, gravitate, doctrinâ, & sollicitudine charitatis inter alios emineat: Secundò Pater Spiritualis paritèr pietate, & doctrinâ, & cæteris qualitatibus insignis, qui exercitationibus confectis præsit: Tertiò confessorius, qui toti domui ordinariè à confessionibus assistat, cum facultate confitendi alijs vel alijs Confessarijs extraordinarijs per Superiores deputatis, & approbatis ab Ordina-

rijs : Quartò Oeconomus qui dependenter à direttore , rerum temporalium curam habeat .

L X I.

Promotiones ad diversos gradus in Theologia , & Iure non priùs fiant , donec constet quod taliter promovendi perfectè juxta normam hujus Instituti in pietate, subjectione & fervore sint victuti, & insuper capaces pro gerendo tali officio ad quod gradus ejusmodi sunt necessarij .

Juramentum omnibus qui huic Instituto adscribuntur Commune .

L X I I.

OMnes & singuli in quibuscunque Seminarijs educati finitis studiis suscepto Sacerdotio , uti & illi qui in majoribus Ordinibus constituti ad hoc Institutum fuerint suscepti , prævià debità informatione in domo Emeritorum vel alibi factà , Juramentum ad manus superiorum hujus Instituti præstabunt ; A quò juramento sic præstito , per quod pactum inter membra hujus Instituti ultimò roboratur , nemo ex post facto , nisi à solo Summo Pontifice , absolvi potest , cui desuper prævio maturo causarum , & circumstantiarum examine , supremus hujus Instituti Præses per se vel alium debitam relationem faciet .

Formula autem Juramenti sequens est .

L X I I I.

EGO N. Filius N. Diœcesis N. plenam habens Instituti Clericorum sæcularium in commune viventium notitiam , legibus & constitutionibus ipsius me sponte subjiçio , easque quantum in me erit observare promitto . Insuper tibi N.N. hujus Instituti Præsidi Supremo , tuisque in hoc munere legitimis successoribus spondeo , & juro me sub directione tua privata & œconomica , salvà per omnia Reverendissimi Domini Ordinarij mei autoritate & jurisdictione , in prædicto Instituto Clericorum , qui secluso scœminarum consortio bini , vel plures pro locorum qualitate cohabitant , & bona sua ex beneficijs , & functionibus Ecclesiasticis provenientia in communes pios usus juxta Constitutionem 19. Sacerdotum conferunt , semper victurum & moriturum . Denique spondeo , & juro me prædictum Juramentum , ejusquè obligationem intelligere , & observaturum , à quo non possim nisi à solo Summo Pontifice absolvi . Sub die N. mensis N. Anno N. sic me Deus adjuvet , & hæc sancta Dei Evangelia .

Præ-

L X I V.

Prædictis non obstat, quo minus quispiam post Iuramentum prædictum, majoris perfectionis gratia, ad Ordinem Religiosum transire possit; Ità tamen, ut non omni spiritui credatur, sed prius bene probetur, & non tam proprio Iudicio, quàm Superiorum hujus Instituti verè Dei vocatio esse approbetur; Tenebitur tamen talis (si ex novitiatu iterum discesserit) vi hujus Iuramenti ad hoc Institutum redire.

L X V.

Qui præstato sæpe dicto Iuramento ad dignitates Ecclesiasticas Episcopales, & ad quascunque his similes promoti fuerint, etsi sub actuali directione Præsidis, ob respectum statûs, non sint, tenebuntur nihilominus præstare ea, ad quæ cæteri hujus Instituti communiter obligantur.

Quomodò Sacerdotes noviter ordinati ad curam animarum applicari debeant.

L X V I.

CLerici recenter ordinati ad curam animarum ordinariè non statim exponantur, sed prius in Domibus Sacerdotum, Beneficiorum, & Parochorum, ubi strictior custodia & disciplina vigeat, pro tempore vivant, & cum præcepto & consensu Reverendissimi D. Ordinarii provisorio modo officia administrent, ut sic non solum disciplinam Clericalem magis imbibant, & in superioritate libertatis suæ pie, sobrie, casteque vivere etiam extra talem custodiam postmodum expositi addiscant; Verùm etiam ritus, & ceremonias Ecclesiasticas circa curam animarum cum debita dexteritate, & experimentalis praxi solidè comprehendant, & tunc demum utiliter ac securè commodis occasionibus ad Capellanas, Parochias, aliaque officia Pastoralia cum consensu Ordinariorum exponi poterunt.

PARS SECVNDA.

CONSTITVTIONES

PRO DIRECTIONE SPIRITVALI ET TEMPORALI PRESBYTERORVM ET CLERICORVM HVIVS INSTITVTI, QVI ACTVALITER IN CVRA ANIMARVM, BE- NEFICIIS ECCLESIASTICIS, ALIISQVE OFFICIIS, QVIBVSQVEMQVE EXISTVNT.

*De Vigilantiâ Superiorum, ut exercitia quotidiana tam pietatis, quàm stu-
diorum, & alia ritè ubiq̃e obseruentur.*

Quilibet Superior particularis qui unius domûs Clericos dirigen-
dos habet, invigilet, ut decursus totius diei cum debita distri-
butione temporis ab omnibus sedulò observetur; atque imprimis ut
preces tam matutinae, quàm meridianae, & nocturnae cum debita
pietate ab omnibus simul in loco ad orandum deputato persolvantur.
Similiter horæ Canonicae ab omnibus alicubi cohabitantibus, & le-
gitimè non impeditis, determinatis ad id horis, simul reciten-
tur.

I I.

Statutis quoque horis, cuique loco accommodatis sacrificium
Missæ celebretur; ita ut reliquum tempus cum certa pariter distribu-
tione pro studio tam Scripturæ Sacrae, quàm theologiæ præsertim
Moralis, lectionis asceticae & similium relinquatur, in quantum cura
pastoralis, visitatio infirmorum, administratio Sacramentorum, &
actualis præparatio ad conciones, ac catecheses necessaria id patitur;
quæ dum actu instant cæteris præponenda sunt.

I I I.

Superioris quoque cuiusque loci est ordinare, quidnam præter
Scripturam Sacram quovis tempore ad prandium & cœnam, per me-
diam circiter horam, utilitèr legi possit, ex quo, utiles deindè di-
scursus formari debent; Recreatio post Mensam ea semper esse de-
bet, quæ honestatem & modestiam cum pace perpetuò sibi conjun-
ctas habeat, ad quod pariter Superiori invigilandum erit.

I V.

Generalem ordinationem prædictorum omnium Superiores tempo-
re

re visitationis facient, juxta quam postmodum quilibet particularis Superior directionem suam practicè instituat.

V.

Quilibet Superior alicujus decanalis, vel in vicinia districtus, singulis sibi commissis Clericis & Sacerdotibus annum determinabit tempus, quo opportunè recollectioni mentis in sua, vel alià ad hoc deputandà domo insistant, seduloque curabit, ut apud omnes debitum dicta recollectio fortietur effectum: Ad quam etiam extra hoc præscriptum illos disponet, quorum spiritualis infirmitas, aliæque causæ rationabiles id prudenter postulaverint.

VI.

Ejusdem Superioris domus in quovis districtu, refugij & medicinæ spiritualis locus exister, ut spiritualement convalescentiam ibi percipiant illi, qui in Parochijs aliquod vulnus spirituale acceperunt, vel periculum passi sunt; quibus alij ad tempus, & tamdiu succedent usque dum eorum infirmitas per media spiritualia correctæ fuerit; quod etiam de illis observandum, qui in spiritus desolatione versantur, aut in melancholiam, vel aliam afflictionem lapsi sunt; ut remedijs spiritualibus adjuti, fortiores ad stationis suæ vigilias regrediantur.

Idem Superior alicujus decanalis districtus aliquoties in anno tot Clericos & Sacerdotes huic Instituto addictos, ac privata suæ directioni assignatos in certum locum convocabit, & ad certum diem, quo sine detrimento animarum curæ commodè comparere poterunt, ad assignatas materias in scriptis libellis proponendas ac more scholastico, à constitutis ad id per vices oppugnandas ac defendendas, ut singulorum ingenium, ac diligentia palam exinde fiat. Materiam, circa quam hæc exercitatio utiliter institui poterit, suppeditebunt Scriptura Sacra, casus conscientiarum, Theologia speculativa & polemica, seu controversistica, ac jus Canonicum, Directorium totius negotij penes prædictum ejusmodi districtus Superiorem erit.

Præses hujus exercitationis à Superiore constituetur aliquis ex eodem districtu, qui in prædictis facultatibus præ reliquis eminere, atque ad hoc officium habilis esse videbitur.

Ad meliorem hujus rei successum; in singulis Parochijs assignatas materias, certis per hebdomadam diebus, per unam, vel sesqui horam, mutatis vicibus defendendo & oppugnando sic elucident, ut deinde in publica concertatione cum honore & aliorum edificatione defendens stare possit.

X.

Tempus ad privatum hoc exercitium magis commodum, persequendo, erit post meridiem, ita quidem ut prima media hora in recollectione & preparatione, reliquum verò tempus in ipsa exercitatione & colloquio, infumatur.

X I.

Domus particulares casus discutiendi cautè junioribus Sacerdotibus proponantur, ex quorum resolutione addiscant, quomodo sua principia scholastica ad particularia applicare, & prudenter praticare debeant.

X. I I.

Ut quilibet districtus decanalis à corruptione defectuum, qui paulatim, nisi vigileant, succrescunt, mature semper expurgetur, observandum erit, ut non tantum singulis octiduis, certo determinato die, in quovis loco particulari, colloquium aliquod Constitutioni 45. Sacerdotum conformiter instituitur; verum etiam ut singulis mensibus, finito supradicto scholastico studiorum exercitio, priusquam qui presentes erunt, domum repetant, in domo decanali simili modo quodam colloquium, ac conferentia spiritualis pro toto districtu decanali instituitur, eaque in medium proferantur, quæ ad conservationem bonæ disciplinæ, & perfectionis incrementum in Domino videbuntur. Parochi & Beneficiarii alij ex dicto colloquio domum reversi, fideliter ea executioni demandare satagant, quæ in particulari ipsos attingunt.

QVID SUPERIORIBVS CIRCA SVBstantialia

HVIIVS INSTITVTI PVNCTA SIT SCIENDVM,

ET OBSERVANDVM.

X I I I.

VT substantialia hujus Instituti puncta, quæ sunt Communitas bonorum, cohabitatio fraternâ, separatio mulierum; & obedientia erga Superiores præsentis clericalis Instituti, omnibus sufficienter innotescant; Superiores eorumdem practicam notitiam, perfecto quodam modo habere oportet, ut omnes circa eadem, tam per se, quam per alias personas idoneas, rectè informare sciant; eaque notitiâ præhabita ad eorundem observantiam sedulò inducant. Prædicta substantialia puncta, nec Præses Generalis, nec Conventus qualiscunque ullo unquam tempore immutare aut relaxare poterit, cum sint veluti cardines ac fundamenta per quæ veluti per quosdam vectes in se sufficienter munitos præsens Institutum absque dissolutione in generatione & generationem per Dei gratiam subsistat.

Vt

XIV.

Ut verò prædicta hujus Instituti puncta substantialia tantò certius inconcussa semper maneant, omnes & singuli dicto Instituto se se aggregare volentes, illa juramento firmabunt, eâ jurandi formulâ quæ habetur supra in Constitutionibus de directione juventutis num. 53. vi cujus omnes & singuli obligantur, non quidem ad particulares dictorum punctorum actus, ita ut quoties aliquis quidpiam contra illa, vel illorum aliquod admiserit, perjurus fieri censendus sit, sed solum ad constanter in hoc Instituto in quo prædicta quatuor puncta observanda sunt, usque ad mortem perseverandum, ita ut juxta Constitutionem 46. Sacerdotum, ille solus perjurus fieri censeri debeat, qui proprio motu se ab hujus Clericalis vitæ, & disciplinæ statu separaverit.

XV.

Censentur autem Motu proprio se ab Instituto separare, qui sine legitimâ juramenti sui factâ relaxatione discedunt, aut verbis faciliquæ in Instituto deinceps vivere detrectant: uti etiam qui per frequentatos actus graviter contra supradicta substantialia excedunt, & præviâ trinâ monitione, præfixo à supremo hujus Instituti Præsidente termino peremptorio, quod nisi monitioni pareant, ab Instituto separandi sint, si in contumacia perseverant; tales enim se ipsos suo facto ob incorrigibilitatem separare censendi sunt. Licet hic casus ibi, & tum solum accidere possit, quando alia ratio delinquentem ad meliorem frugem beneficio Domus Emeritorum, vel aliâ viâ reducendi, & scandalum tollendi, pro isto tempore Instituto non suppetierit.

DE COMMUNITATE BONORVM IN SPECIE.

XVI.

Finis Communitatis bonorum est, ut à Clericis hujus Instituti omnia ex beneficijs Ecclesiasticis, & functionibus quibuscunque provenientia, in usus pios Ecclesiæque Dei salutares, ac præfixo scopo hujus Instituti convenientes, debite modo & ordine conferantur & applicentur, eorumque bonorum abusus tollatur. Quare sepositâ omnî avaritiæ & prodigalitatis specie, singuli sedulò curabunt, ut huic Instituto Clericali verè fideles dispensatores se exhibeant, in omnibus sincerè spectantes commune bonum tanquam proprium Iesu Christi Domini Nostri patrimonium.

XVII.

Superiores maturè considerare debent, quidnam in dispensatione bonorum communium jam in massa communj collectorum porissimum sit observandum, & primò quidem invigilare debent, ut Sacerdotibus

bus senibus, alijsque inhabilibus sufficienter provideatur; Deinde si Sacerdotes Curatos & beneficiatos, casu aliquo extraordinario, subsidio egere contingat ex bonis communibus illis succurrendum erit: Similiter quando aliquis ex hoc Instituto recentè ad Parochiam vel beneficium aliquod promotus, novam alicubi œconomiam instituere, & rebus necessarijs instruere debet, suppellestilia & alia maxime necessaria, vel pecunia pro ipsdẽ comparandis suppeditanda erunt; eã tamen lege ut si vè pecunia sic subministrata, si vè pretium quo suppellestilia fuerint æstimata, medio, vel infimo pretio ordinatè conseribantur, traditæque desuper obligatione, successivè prout potuerit commodè Superioribus ex proventibus annuis restituantur, ut alijs quoque in simili necessitate constitutis succurri possit. Tertio subveniendum quoque est pauperibus Sacerdotum hujus Instituti parentibus, Fratribus, & Sororibus juxta Constitutionem 22. Sacerdotum.

XVIII.

Post hos magis necessarios communium hujus Instituti bonorum usus, ingenuis adolescentibus ad hanc Clericalem vitam educandis applicanda erunt.

XIX.

Postquam domibus juventutis, & Emeritorum in quadam Archidiecepsi, vel Diœcesi, ex medijs communicatis, vel patronorum sufficienter provisum fuerit, tunc ad ædes Parochiales, convenientè ad præscriptum Instituti vivendi modum accommodandas, ubi necesse fuerit, vel ex medijs ipsorummet Parochorum, præter id, quod fortè juxta morem Diœcesis in conservationem illarum annuatim ab illis impendi debet; vel ex collectis ipsiusmet communitalis medijs, si aliundè haberi nequeant quantum necesse fuerit applicari poterit.

XX.

Similiter ordinari poterit, ut si desint media pro cohabitatione duorum Clericorum, in loco quodam particulari ob curam animarum, aut aliã de causã ordinandã, superiores hujus Instituti, tamdiu media necessaria pro altero Sacerdote subministrant, quamdiu hujus Instituti Sacerdotes in tali loco Curæ animarum præstuerint; Et quia aliorum est similibus Sacerdotibus Curam animarum gerentibus vivendi media subministrare, idèò speciatim & authenticè cavendum, ne ex hac gratuita alimentorum subministratiõne pro quocunque futuro tempore, Instituto quædam obligatio imponatur.

XXI.

Eleemosinæ pro varietate, vel religiosis, vel alijs faciendæ ex medijs huic Communitati obligatis, à Clericis beneficiatis juxta leges Christianæ Charitatis, & juxta dictamen prudentiæ fieri possunt; specialitèr

litèr tamen suadetur, ut Parochianis suis indigentibus, pro ratione reddituum suorum præ alijs benignè subvenire studeant.

X XII.

Bona Communitatis in una Archidiœcesi correspondente quoad domum Emeritorum & juventutis cum quibusdam Diœcesibus ejusdem Archidiœcesis, uti etiam media Diœcesis populosa quæ propriâ Domum Emeritorum & juventutis habet, in eadem applicari debent, nec possunt, per se loquendo, etiam pro parte aliquâ transferri. In casu extraordinario ubi ob gravem necessitatem Christiana Charitas succurrat, ordinatio desuper fiet à Præsidi Diœcesis cum Consilio Superiorum decanatum ex una, & ex alterâ parte à Præsidi Supremo; quod si rei gravitas postulaverit, Reverendissimo Domino Ordinario loci quoque desuper referendum erit, ut cum ejusdem præscitu & consensu, ad evitandas quascunque suspensiones res tota peragatur.

X XIII.

Vbi communes sumptus faciendi sunt in negotijs totum Institutum concernentibus, supremi Præsidis erit, proportionalitèr ex collectis medijs particularium Diœcesium illud exigere, quod ad ejusmodi negotia pertractanda necessarium fuerit.

X XIV.

Communitas bonorum mutuam infert obligationem singulorum, membrorum ad Institutum, & Instituti ad membra; ita ut singuli ad omnia bona sua ex beneficijs Ecclesiasticis, & functionibus, ac officijs quibuscunque provenientia in pios Communitatis usus conferenda, vi conventionis mutue, pactique ultrò citroquè obligatorij adstricti; ipsi quoque superiores nomine Instituti singulis membris fidelitèr in necessitate subvenire teneantur.

X XV.

Si quis Sacerdos vel Clericus animo se se Instituto aggregandi aliquandiu cum ejusdem Instituti Clericis habitaverit, dein verò, antequàm consuetum Iuramentum præstet mutatâ mente recedat, præter sumptus ipsius causâ factos, nihil persolvere teneatur: si verò post præstitum Iuramentum ad ordinem religiosum transire voluerit, vel proprio motu se ab Instituto separaverit, vel ab eodem ob incorrigibilem morum pravitatem, aliamvè quamcunque causam dimissus fuerit, ex illis quæ in Instituto acquisivit, & jam tum vel ad causam communem contulit, vel apud ipsum adhuc existunt, de jure nihil prætere, vel secum auferre potest; contrarium si fecerit, sine præhabito superiorum Instituti consensu, id restituere tenebitur.

X XVI.

Si qui Sacerdotes aut alij Clerici jam existentes bona quædam ex

beneficio, officio, vel functionibus Ecclesiasticis acquisita jam habeant, ac postmodum ad Institutum suscipi petant, liberè de ijs quæ extra Institutum acquisiverunt, disponere possunt, vel in usitatos hujus Instituti, vel in alios licitos & honestos usus, nisi ob imminentem ex senectute, aut alio Capite ad officia & functiones Ecclesiasticas inhabilitatem æquitatis ratio postulare videatur, ut Instituto consignentur, cui per susceptionem talis personæ onus eam honestè sustentandi accrescere dignoscitur.

XXVII.

Omnes verò & singuli qui per Iuramentum se huic Instituto obligaverunt, de bonis suis, si vè Ecclesiasticis extra Institutum acquisitis, si vè patrimonialibus de quibus liberè disponere habent, maturè ita disponant, ut casu quo Dominium eorum penes se retinere voluerint, totam vel potiore saltem eorum curam alijs committant, cum nec Instituto, ejusquè disciplinæ, nec ipsismet Sacerdotibus in Officijs & functionibus Ecclesiasticis occupatis conveniat multum ejusmodi rerum curis occupari, quæ à suscepto vitæ statu valdè sunt alienæ.

XXVIII.

In quovis loco particulari ratiocinia acceptorum & expensarum ab uno Oeconomo fiant, qui juxta diversas rubricas cujuscunque personæ in eadem domo habitantis, redditus ex beneficijs & salarijs distinctè annotet, ne aliqua confusio sequatur. In Seminarijs alijsque domibus, ubi communes redditus pro illa domo sunt ad nullam personam particularem spectantes, Et simul alij redditus sint ad particulares personas in illa domo ex beneficijs, vel officijs obvenientes, tum ne confusio oriatur, fieri debet commune ratiocinium, & aliud particulare super accepta & expensa reddituum particularium istarum personarum.

XXIX.

Cum non solum Instituti hujus intersit, sed etiam Dioecesium, ne bona communia minus fideliter administrantur, aut ad supradictos Ecclesie Dei utiles usus non expendantur; Ideo Reverendissimi DD. Ordinarij quoties defectus notabilis in administratione à Præsidente commissus innotuerit, desuper liberam inquirendi & rationes super bonis Instituti in commune collatis exigendi, defectusquè interpositâ auctoritate suâ Ordinariâ corrigendi potestatem habeant; defectus verò à Superioribus Præsidi subordinatis commissi à Præsidente corrigantur, salvâ tamen ut in præmissis Ordinariorum Jurisdictione, ut hac ratione per debitam eorum administrationem ac dispensationem fiat, quod juxta approbatam hujus Instituti Constitutionem fieri solet, ac debet.

XXX.

De reliquo cum singuli hujus Instituti Clerici intuitu beneficiorum suorum Reverendissimis Dominis Ordinarijs ea præstare debeant, ac reipsa præsentent quæ alij Clerici extra Institutum viventes juxta ejusquæ Diœcesis consuetudinem, intuitu eorundem beneficiorum præstare debent, bona ab iisdem in Commune ad massam communem, jam collata alio insuper onere, seu exactione gravanda non sunt, Cum æquitatis ratio non permittat, ut ob hoc quod superflua sua in communes pios, & tùm statui Ecclesiastico, tùm ipsimet Sanctæ Ecclesiæ Catholicæ valdè proficuos usus conferant, ampliùs quàm alij Clerici Sæculares graventur: Cum enim eorum onera, ac obligationes quoad redditus beneficiorum suorum communiter cum illis sinè ulla exemptione ferant, meritò iisdem etiam cum illis juribus, privilegijs, atque Immunitatibus gaudent. Hinc & particularis dispositio circa temporalia hujus Instituti bona ad causam jam collata, eorumque dispensatio in usus præscriptos ad ejusdem Instituti superiores spectat.

XXXI.

Vi Communitatis bonorum, sive pacti Iurati nemini liceat ex hujus Instituti Sacerdotibus & Clericis testamentum Sæculare condere, aut parentibus, aut consanguineis suis bona sua temporalia ex beneficijs, & functionibus Ecclesiasticis, ac officijs quibuscumque provenientia pro quacunque voluntate, voluntatem ultimam relinquere. Ideo omnes & singuli, quibuscumque dignitatibus Ecclesiasticis non obstantibus, obligantur, ut quocunque de rebus suis disponendi modo Clericis concessio, & consueto, bona sua prædicta superioribus hujus Instituti ad fundandas domus educandæ Juventutis, & Emeritorum Sacerdotum, aliosque fines huic Clericali Instituto conformes dispensanda relinquunt, memores omnia quæ possederunt esse propria Domini Nostri Iesu Christi, in cujus infinitam gloriam, profectumquæ animarum hoc Institutum omni tempore ea impensurum sit; nihilquæ æquius esse quàm illorum etiam commoda sentire, quorum onera in vita & morte suscipiuntur.

XXXII.

Donationes Ecclesiæ cui quis deservijt, vel parentibus, fratribus & sororibus indigentibus fieri possunt, ea tamen fieri debent cum præscitu, & consensu Præsidis alicujus Diœcesis, vel Territorij, vel ita ut juxta ratihabitionem ejusdem valere debeant, superioribus verò ejusmodi denegare, vel immutare non licebit, nisi inanifestè videant adhibito consilio aliorum, aut habità etiam in re gravi sententiâ Reverendissimi Domini Ordinarij quod irrationabiliter ea facta sint.

XXXIII.

Legata & donationes quæ ipsismet membris hujus Instituti ab alijs fiunt, intuitu Officij vel cujuscumque respectus ad statum Clericalem aut quodcumque officium, spectant ad bona huic communicati obligata; quæ verò dantur intuitu consanguinitatis, affinitatis, vel amicitiae merè naturalis, bonis patrimonialibus annumerantur. In casu dubio donationis factæ standum juri communi, hæc tamen lege, ut si à consanguineis & affinibus usque ad quartum gradum inclusivè donationes fiant, ex censeantur factæ personis, in cæteris verò casibus dubijs censeantur factæ intuitu Instituti sive Officij.

XXXIV.

Debita passiva in vita aut post mortem alicujus ex Instituto solventur ex medijs ab eodem relictis, ubi verò ea non suffecerint, communitas ad satisfaciendum eisdem obligata non erit, nisi cum expreso consensu Superiorum Instituti, & authentica ex scriptura eadem, facta esse comprobentur: idque ideo quia cæteroquin gravia incommoda huic Instituto accrescerent, & ipsum Institutum quod curam talis personæ in vita, & morte in se suscipit, non tantum commodum pro membris suis non sentiret, verum etiam grave damnum pateretur.

XXXV.

Quando per Parochi vel Beneficiati discessum vel mortem ex gratiosa Reverendissimi Domini Ordinarij vel Patroni concessione, successor ex hoc Instituto fuerit, mobilia, quæ successori ad ducendam Oeconomiam necessaria sunt, non distrahentur, cum Antecessor si hujus Instituti fuerit, sine detrimento nunquam vendat, successor verò maximà cum incommoditate & difficultate coemat, ac de novo familiæ de mobilibus prospiciat. Proinde à superioris ordinatione, & prudentià in tali casu rerum temporalium dispositio aut translatio, quæ ex rationabili necessitate, vel utilitate fieri subindè debere videbitur, dependebit: Ità tamen ut pro ijs quæ successori relinquuntur, honestum & moderatè taxatum pretium certo, & præfixo termino in casu mutationis ab una ad aliam Parochiam, sive beneficium solvatur Antecessori, In casu verò mortis Instituto.

XXXVI.

Quid verò, & quantum ex annuis hujusmodi beneficij redditibus tum antecessori, tum successori competat pro illa parte temporis quo quisque illorum illud possidet juxta Capitularia statuta, vel alias cujusque Diœcesis leges & consuetudines determinetur, & ordinatè annotetur, idq; præsentè ac confirmante eo cui de jure vel consuetudine competit, Et si opus fuerit præsentè uno ad id ex Instituto deputato, ut omnis confusio evitetur & charitativè singula disponantur.

OBSER-

29

OBSERVANDA DE FRATERNA
COHABITATIONE.

XXXVII.

Cum hoc Institutum pro fine suo habeat in salutem Populi ita dispersim vivere, ut tamen quantum possibile fuerit, ubique duos, tres, vel plures ejusdem Instituti Clerici & Sacerdotes in eadem domo fraternè cohabitent, superiores diligenter invigilabunt, ut ex speciali favore Reverendissimorum DD. Ordinariorum ac Patronorum liceat etiam ruri fraternam duorum vel plurium hujus Instituti Clericorum cohabitationem instituere, ac continuare.

XXXVIII.

In oppidis ubi subindè plura partim curata, partim simplicia existunt beneficia, quorum possessores scorsim habitare consueverunt, Sacerdotes Instituti ubi duo, vel plura ejusmodi beneficia obtinuerint, quantum fieri potest, fraternè cohabitare obligantur, in magnis tamen Civitatibus, nisi commodè & sine periculo animarum curæ suæ commissarum possint, non uno loco omnes simul, sed in diversis binis, vel plures cohabitent.

XXXIX.

Quod si in pagis & oppidis Parochialis Ecclesia Capellanum habens non habuerit, interim tamen redditus adsint quibus duo Clerici congruè ad onus pastorale ferendum sustentari posse videntur, superiores cum consensu Reverendissimi Domini Ordinarii Parocho Sacerdotem, non tam in subsidium animarum curæ, quam in subsidium continentiae & disciplinae securius servandæ adjungent.

XL.

Porrò si Parochialis Ecclesia Capellanas seu filiales Ecclesias distantes sub se habuerit, Reverendissimi DD. Ordinarii locorum rogandi erunt, quatenus permittant, ob bonum disciplinae, Clericorum cohabitationes ita divitas ad unam socialem contrahere, dummodò per excursionem citrà neglectum animarum humanitatis prædicta loca provideri possint, in quo ex ordinatione ac Iudicio Reverendissimorum DD. Ordinariorum determinatio fiet; dictæ Ecclesiae filiales vel Parochiae à se invicem ultra horam non distent.

XLI.

Cæterum hi Sacerdotes tam Divina Officia, quam conciones, & catechesin diligenter in Ecclesia propria peragant, non secus ac si in loco residerent; Parochianos de Baptizandis & de providendis ægrotis providè adinoneant, & semel saltem præter festa & Dominicas in septimanâ quisque ad Ecclesiam suam certo die ad sacrum celebrandum exeat; ut Parochiani id præscientes suis, & suorum necessitati-

bus

bus spiritualibus facile consulere possint; ad Sacramentorum administrationem evocati, in omni casu sine morâ promptos se exhibeant.

XLII.

Casu quo tanta Ecclesiarum distantia foret, quæ positam mensuram notabiliter excedat, atque ob defectum reddituum duo habitare nequeant, qui tunc solitariè exponendus erit, sit solitudinis amans, & provectioris ætatis, ejusque constantia in castitate, & sobrietate probe perspecta habeatur; Insuper singulis septimanis ad domum decanalem vel Parochiam aliquam ad Sacerdotes hujus Instituti pro faciendâ Sacramentali Confessione veniat, & superiori de vitæ suæ statu frequentius rationem reddat, acceptaque Spirituali exhortatione, & consolatione novo cum fervore domum revertatur; in eundem finem sæpius etiam talis à superiore Decanali vel Parocho quodamvis visitetur; pro administrandâ culinâ & familiâ famulum habeat, observeturque quod infra de separatione Mulierum statutum habetur.

Quid respectu cohabitantium Clericorum observandum sit.

XLIII.

Inprimis omnes studeant se tales in conversatione suæ vitæ exhibere, ut suis affectibus ex sincero corde sic dominantur, quatenus cuivis cum animi jucunditate cohabitare sciant; firmiter etiam sibi persuadeant, in omni familiâ quantumvis bene ordinatâ imperfectiones ac disordinationes quandoque contingere; hinc apud se omnino statuunt defectus aliorum in verâ & Christianâ Patientiâ tolerare, ac ejusmodi tam in temporalibus, quam in spiritualibus supportare.

XLIV.

Superiores in conjunctione Clericorum prudenti circumspectione, ex notitiâ geniorum & indolis attendant, ut tales semper combinentur, ne vel contemptus vel nimia familiaritas inde sequatur. Pro directione universim tales constituentur qui non modò passionibus suis sufficienter dominari posse noscantur, Verum etiam illos qui ipsis subijciuntur, in omni genere Virtutum & Scientiarum, quantum fieri potest superent, vel saltem adæquent; contemptum enim parit, si qualitates subditi qualitativis superioris præstent.

XLV.

Vbi duo, vel plures cohabitant, unus semper sit ex ijs, qui officio Oeconomiz cum debito rerum temporalium emolumento fungi sciat. Qui in rebus Spiritualibus videntur tepidiores, sibi que ipsis nimis indulgentes, simul non consocientur, sed adjungatur unus vel alter, qui

qui in spiritualibus ferventior , & in servandâ disciplinâ exactior esse noscatur.

XLVI.

Vbicunque hujus Instituti Sacerdotes simul habitant , superioribus curandum est , ut neque omnes senes sint , neque omnes Iuvenes , sed itâ potius senes jungantur Iunioribus , ut Seniorum Cautela Iuniorum libertatem custodiat , & Iuvenum fervor Seniorum imbecillitatem in perferendis laboribus sublevert . Univerſim combinatio Sacerdotum eâ circumſpectione ſemper fiat , ut in quocunque unus vel alter deficere noſcitur , Tertius oppoſitâ quâ eminet virtute defectum proximi ſui , quoad fieri poteſt , corrigat atque emendet .

XLVII.

Præterea non indignum quilibet arbitretur , ſi in proximo ſuo cuſtodem habeat à quo charitative corrigatur & moneatur ; idque tam quoad actiones quæ domi , quàm quoad ea quæ foris peraguntur , quæ propter ſemper conari debent , ut duo ſimul etiam foris exiſtant , qui ſibi invicem ſint tam converſationis , quàm innocentiz teſtes ac monitores .

XLVIII.

Hospitales ad invicem , & ad omnes Charitativos cum omni humilitate ſe exhibeant , & ſervitia neceſſaria omnibus præſtari à ſuis curent ; itineris enim moleſtijs defatigati , refrigerio hospitalitatis ſublevari debent ; erga perſonas verò cujuſcunque ſtatûs ſervatâ proportionem ſe taliter habeant , ut ab omnibus bonum Teſtimonium charitatis Chriſtianæ reportare mereantur .

XLIX.

Denique ut qui in hoc Inſtituto vivunt , in morte minimè deſerantur , ſingulorum locorum ſuperiores diſponent , ut exequiæ Chriſtiano modo ſtatui Clericali conformiter peragantur , & in loco depoſitionis , præmiſſâ ſemper Vigiliâ defunctorum , tam primus , quàm ſeptimus , & trigeſimus pro defunctis celebrentur . Inſuper omnes Sacerdotes hujus Inſtituti juxta Conſtitutionem Sacerdotum 28. pro ſalute animæ ejusdem etia ſacra celebrabunt , qui in illâ Diœceſi exiſtunt ; itâ tamen ut in cœteris Diœceſibus , quæ uni alicui Archidiœceſi , more in Eccleſia conſueto ſubijciuntur , unusquiſque ſi non tribus , ſaltem uno ſacro animam defuncti divinæ miſericordiæ commendet .

QVID SUPERIORES IN PUNCTO SEPARATIONIS MULIERVM OBSERVANDVM HABEANT.

L.

EAM Mulierum separationem Clerici omnes communiter observare tenentur, in conscientia ad hoc adstricti, quæ requiritur, & sufficit ad vitandum scandalum, & ad proximam occasionem peccandi tollendam: Ad tollendam verò omnem Clericorum cum Mulieribus cohabitationem, in Cap. inhibendum extrâ de cohabita. Clericorum, & Mulierum, ita statuitur. Inhibendum est, ut nullus Sacerdos fœminas de quibus suspicio potest esse retineat; sed neque illas, quas SS. Canones concedunt, Matrem, amyram, Sororem, quia instigante Diabolo, & in illis scelus perpetratum reperitur: Vnde præsens Institutum eò collimat, ut Clerici in eodem Videntes, in instituendis hinc inde familijs Timorem Dei Custodem, Castitatem Dominam, amorem verò Rectorem totius Domus suæ habeant.

L I.

Proinde nemini licebit ex sexu Muliebri, sive Matrem, sive Sororem, sive aliam in quocumque gradu consanguineam, aut alias quantumvis piam, & sanctam mulierem sub eodem tecto, quo Clerici duo vel plures Congregati habitant, habere; cum sit vel periculosum, vel scandalosum, aut saltem non deceat, aliaque viro Clerico inde incommoda emergant.

L II.

Si quo casu substantialis hæc Constitutio per se loquendo inviolabiliter servanda, in praxi & casu particulari nullâ ratione observari posse videretur, eo quod familia de novo incipienda, in qua ob prædia rustica, vel aliâ ob causam similem pecora sint alenda, & in continenti fieri non possit per habitationem diurnam, nocturnamque distinctam sufficiens separatio, ea quamprimum ordinetur, sive ex favore Reverendissimi Domini Ordinarii, sive ex medijs ipsiusmet Communitatis.

L III.

Media porrò quibus generalis ista Constitutio inoffenso pede in familiâ Clericorum constanter decurrere possit, erunt sequentia. In locis in quibus Prædia rustica annexa esse non solent, Culina & tota familia virorū, sive famulorum operâ instituatur, qui omnia ministeria domus præstent; In locis verò sive Parochijs, quibus Prædia rustica annexa esse consueverunt, quorum ratione, & inevitabili quadam necessitate similis culina, & familia propter emolumentum fructusque agrorum & decimarum institui necessarium est, mulierum servitia

role-

tolerabuntur, ut sic non solum Culinae, verum etiam toti reliquae familiae melius prospiciatur.

LIV.

In dictis servitijs Sacerdotum Parentes & Consanguinei, quantum fieri poterit, constituentur: quibus deficientibus, aliae honestae, proveciorisque aetatis personae assumantur; ita tamen ut a Clericorum, tam diurnis, quam nocturnis habitationibus intercedente sufficiente clausura sejungantur; quod proinde superiores hujus Instituti constantissime emulabuntur.

LV.

In hunc finem Parochialibus aedibus domus rusticae in loco quodam vicino annectantur, vel pars in ipsa Sacerdotali, si amplitudo id patitur, per murum interjectum separetur in quibus Matresfamilias degentes subordinatum quoddam super totam familiam rusticam regimen habebunt: Parochus vero hanc inferiorem directionem Culinae, & totius familiae in praedictam Matremfamilias immediate rejiciat, ut ita Clerici negotijs inferioribus sepositis, a Mulieribus penitus separati, in vitae sanctitate Deo servire, & saluti animarum libentius invigilare valeant.

LVI.

Porro ut praedicta separatio commodius observari queat, & ne ejus occasione aut Parochus necessariam inspectionem in familiam negligat, aut in cibis alijsque requisitis pro Clericis ad domum Sacerdotalem deferendis difficultas aut incommoditas sit; Inter utrasque aedes aditus, ac porticus intercedat, quo ita domus & familia rustica aedibus Parochialibus annexa & approximata accomodetur, ut ex eadem cibi inde ad Clericalem mensam commodè deferri, & inspectio necessaria haberi possit. Aditus ergo in inferiori vel media conrignatione aedium Sacerdotalium usque ad Domum rusticam tradendus, & patens in fine clausuram habebit, cujus beneficio praedicta separatio fiat; ita ut nemo Clericorum per illum aditum ex aedibus Sacerdotalibus ad domum rusticam, neque ex familia & domo rustica ad domum Clericorum unquam transire valeat.

LVII.

Ut major cautela adhibeatur, quantum locorum Constitutio patitur, domus Clericorum contra omnem accessum (vel januas non necessarias obstruendo, vel muro circumvallando) ita muniatur, ut relicta solummodo unica ad Clericalem domum januam ordinariam, omnis utriusque familiae domesticorum ad invicem accessus perpetuo discludatur; cujus rei melior accomodatio pro locorum Constitutione Superiorum discretionis relinquitur, denique fenestrae cubiculorum & totius domus Sacerdotalis bene ferreis clathris obseatae, & munitae sint;

noctu, oclusis diligenter foribus claves ad superiorem deportentur, ita ut neque intrandi, neque excundi ulla occasio, ac suspicio esse possit; Et sic tota Domus in timore Dei, & apud prudentes in bona estimatione stabit.

LVIII.

Pariter Domus Clericorum (etiam ubi familia rustica non est) ubique tam in parochiis, quam in loco decanali & alibi sic accomodetur, ut Sacerdotes & Clerici omnes cum superiore Domus in congressu communi habitare possint; domus universim feris tectis muniantur, & cautela supradicta ubique adhibeantur.

LIX.

Parochus vel Beneficiatus (assumpto Socio Sacerdote, vel hoc deficiente, alio innocentia suae teste) ad minimum semel in septimanam visitet domum familiae rusticae (quod in alijs quoque Oeconomis universim observandum) videatque num ea, quae in Domo sub cura retinentur, illaesa conserventur, & bene expendantur, atque advertentes aliquid non ut oportet conservari, aut expendi, sic corrigant, ut imposterum recte, & solide omnia fiant; negotijs cum debita gravitate, imperio, & modestia expeditis ad Sacerdotalem domum revertatur.

LX.

Quod si cum foemina ratione pastoralis officij vel alia rationabili causa necessario loquendum fuerit, in domum Clericalem non intro-mittatur, & quae consilij, necessitatis, & salutis animarum gratia loqui oportuerit, Clerici paucis cum gravitate & modestia, in loco patienti absolvant. De caetero superiores mulierum consortia absque dispensatione strictissime praescindant, omni etiam pio pretextu excluso, mulierumque Visitationes extra casum gravioris aegritudinis nulli unquam permittant.

LXI.

Vt ministerium quoad eos famulos, qui ad dies vitae in hoc Instituto servire volunt, felicius succedat, superiores providebunt, ut ad hujusmodi munus Iuvenes morigeri suscipiantur, qui maturè a mundo abstracti, in culinae ministerio, alijsque operibus domesticis, probè aliquot annis instruantur. Hosce famulos pietate pollentes Institutum ad dies vitae sanos & infirmos, senes, & vegetos retinebit, & omnia necessaria ipsis subministrando, ex debito obligationis amanter sustentabit: ipsi denique nihilominus certa merces annua constituetur, ut quod ultra vestitum & alia necessaria exinde restat, pro eorundem sustentatione a superioribus in senio vel alia necessitate, expendatur, priusquam ad communia Instituti bona pro sublevandis eorum necessitatibus recurratur: casu verò quo in necessitatem talem non inciderint.

rint, id quod ex ejusmodi famulorum mercede restat, penes Institutum manebit, pro alijs similibus occasionibus expendendum.

L X I I.

Invigilabunt quoque superiores, ut etiam cœteri famuli, qui ad tempus tantum inserviunt sint fideles & experti, quatenus hâc ratione debitum servitium omnibus præstetur, ac necessitati singulorum sufficienter prospiciatur. Ad omne periculum, tam in spiritualibus, quam temporalibus excludendum, parochi cœterique beneficiati & Clerici quicumque circa susceptionem, & dimissionem domesticorum, superioribus ad nutum obtemperabunt.

DE SUPERIORITATE DIRECTIVA, EIVSQUE NECESSITATE, AC PRINCIPIIS PRACTICIS VT HOC INSTITVTVM PER- PETVO IN CLERO CONSERVETVR.

L X I I I.

VT hoc Institutum feliciter subsistat debitam inter membra respectu superiorum & inferiorum subordinationem requirit. Vnde præter publicam Reverendissimis DD. Ordinarijs præstandam obedientiam quædam directiva morum, ad disciplinæ vigorem in Clero servandum, statuitur, per quam singulorum qui de hoc Instituto sunt, vita in viâ charitatis immediatè inspiciatur; & sic Clerici cum suo legitimo capite, quod sunt Summus Pontifex, & Reverendissimi D. Ordinarij perfectius, quàm unquam coadunentur.

L X I V.

Porrò hæc superiorum ejusdem Instituti directio, privata solummodo & Oeconomica eò potissimum spectat, ut à Clericis eidem additis omnia & singula tam in spiritualibus, quàm temporalibus, juxta ejusdem Constitutiones fiant; qui contra eas deliquerint, paternè moneantur; quin & inter domesticos parietes, levioribus pœnis medicinalibus potissimum si ita res postulare videatur, corrigantur; ij denique qui à Reverendissimis DD. Ordinarijs ob graviores excessus publicâ auctoritate puniti fuerint, subsequenter in domibus Emeritorum per exercitia spiritualia, exempla & monita piorum virorum, solidè emendentur: In reliquis verò unâ cum omnibus hujus Instituti membris quivis Superior Summo Pontifici & Reverendissimi D. Ordinarij sui Jurisdictioni sic subest, ut non tantum ad ea quæ à Clericis Sæcularibus communiter præstanda sunt, sed etiam ad Constitutionum hujus Instituti, ac debitæ disciplinæ observationem à Reverendissimis DD. Ordinarijs adstringi possint.

Quamobrem omnes, & singuli non solum Dei mandata, Divinaque Consilia filialiter observent, & mandatis Ordinationibusque S. Sedis Apostolicæ, ac Reverendissimorum DD. Ordinariorum debitè se se subijciant; verùm etiam Constitutionibus & disciplinæ hujus Instituti tam supremus Præses, & Superiores reliqui, quam cæteri Clerici obtemperent, prout uniuscujusque conditio requirit, ut sic totus status undequaque perfectus in sua compage conservetur. Cæterùm obedientia respectu superiorum hujus Instituti, nulla specialis ex obligatione Juramenti, sed solummodò ea est, quæ ex jure naturali in quovis statu superiori legitimè mandanti debetur.

L X V I.

Superiores se ipsos exemplum præbentes in quotidianis exercitijs, & observatione statuta disciplina primi existentes, per prudentiam, & discretam moderationem ad sui amorem omnes trahentes, eâ suavitate regant, quâ ab omnibus libenti animo rationabile obsequium disciplinae obedientiaque præstetur; Vnde quamdiù per solas admonitiones, paternasque Ordinationes subditos ad ea quæ præstanda sunt inducere valent, potestate sibi tradita, mandando sub obedientia vinculo, uti non debent, sed solummodò dum subditos suos aliâ ratione, in rebus gravioris momenti ad observantiam rerum præscriptarum, inducere nequeunt; præprimis verò attendere debent ad debitam punctorum substantialium, Communitatis bonorum, cohabitationis fraternæ, & mulierum separationis practicam observantiam.

L X V I I.

Ordinariè autem hic ordo in correctione alicujus, qui contra Instituti Constitutiones, ac præcipuè contra puncta substantialia delinquit, conformiter præcepto de fraterna correctione à Christo Domino Nostro Matt. 18. exposita servandus erit. Primò moneatur fraternè ab immediato superiore suo, vel alio quocumque; Secundò si hæc fraterna monitio nihil proficiat, recurratur ad mediatum superiorem Diocesanaum vel alium: Quod si verò superiorum Instituti charitativas admonitiones, & correctiones contempserit, deferatur ad Ecclesiam, videlicet ad competentem Iudicem Ecclesiasticum, qui pro sua jurisdictione ad parendum talem compellat: In delictis autem publicis personarum hujus Instituti, si Reverendissimus D. Ordinarius à se statuendas pœnas, potiùs in domo Emeritorum, quàm alibi persolveri à reo voluerit, in eo superiores Instituti strictè obediunt.

L X V I I I.

In specie verò quilibet superior ea fideliter exequatur, quæ sui sunt muneris, nec in officiù alterius majoris, aut minoris superioris inordinanda.

dinatē se immisceat, ne confusio suboriatur; neque etiam rerum celestium contemplationi ac spirituali quieti in tantum se tradant, ut reliqua fastidientes suorum curam, vel obiter tantum gerant, vel omnino negligant; quæ omnia in homine privato virtutis, in Superiore verò maximæ vitiositatis esse meritò censenda sunt.

L X I X.

Divinis promissionibus innixi, viam regiam confidentiæ in Deum in quibusvis negotiis, adversitatibusque constantissimè teneant, certissimè sibi persuadentes Omnipotentem Dei bonitatem semper plura nobis dare paratam esse, quàm nostra necessitas requirat. Insuper regimen suum solidà & constanti probitate ac pietate in Deum, ita firmare satagant, ut inter suos tanquam Sol à mane usque ad vesperam, Sancto quodam virtutum fulgore lucere conspiciantur; Apostolo monente: *Te ipsum prabe exemplum bonorum operum.*

L X X.

Constitutionum observationi sedulò invigilent, majorum placitis inhærendo, novitates fugiant, ad externam quoque disciplinam solidè observandam magno zelo incumbant, ut subditi faciliè intelligant transgressionem etiam minimorum superiori suo displicere. Conferentias spirituales suis temporibus instituunt, & cum suis privatim, etiam sæpius loquantur, ut sciant in quo statu quisque versetur, & quas necessitates tam in spiritualibus, quàm temporalibus patiantur.

L X X I.

In omnibus tales se subditis exhibere satagant, quales ipsi libenter etiam alios erga se habere vellent, si subditi essent, & maximè sibi curæ habeant, ut sine suæ personæ acceptione uniformem alijs cohabitantibus in humili mentis, ac spiritus submissione vitam degant, & nec minimum talis eminentiæ signum edant, quod proprium amorem, aut suæ personæ honorem, fastumque animi sapiat; sed in omnibus actionibus ac mandatis mansuetudinem verborum, suavitatem morum, modestiam & charitatis affectum demonstrent, ut sic subditi in obsequium obedientiæ captiventur.

L X X I I.

Erga omnes humanitate, comitateque utantur, faciles aures eorum honestis postulatis præbendo, & pro diversitate nationum, gravitatem, severitatemque ita conjungant, ut qui amore regi maluit, filios se esse experiantur, qui verò secus fecerint, imperium sentiant Superioris: beneficijs quoque domesticæ charitatis, omnes sibi in obsequium amoris devincire conentur, & eorum delicta virgâ severitatis ac justitiæ ita corrigant, ut tamen simul oleum consolationis ad exemplum Samaritani vulneribus infundant; Insuper diligenti circumspice-

cumſpectione ad ſuorum neceſſitates attendant, & tempeſtivè eaſdem ſublevare ſtudeant; omni etiã horã promptam benefaciendi voluntatem accedentes experiantur.

L X X I I I.

Simplicem veritatem ut pupillam oculi cuſtodiant, ut ſicut os loquitur, ita & cor ſentiat, animique candorem & ſinceritatem tam in verbis, quàm in factis excluſã omni politicã ſimulatione ſic præſeferant, ut ſubditi de contrario nullam ſuſpicionem habentes, verè ſentiant tutò ſe illis fidere poſſe. Datam fidem erga omnes fideliter cuſtodiant, & ſi quid ſecretorum ſubditi illis crediderint, ſilere ſciant.

L X X I V.

Ad animi fortitudinem in adverſis in omni vitã ſua magis conentur, quã domesticorum & proprijs malis poſſint reſiſtere, atque æquo animo prudentèr ad exemplum Chriſti, & Sanctorum ejus tolerare. Pondere fortitudinis caveant, ne nimia animi facilitate ad omnem ſubditorum propenſionem, preceſque propoſitam ante ſententiam, mutant. In rebus agendis deliberationes ſerias præmittant, ad quas tam experienciã, quàm naturã prudentiores adhibeant; proponant res diſcutiendas abſque inclinationis ſuæ manifeſtatione in utramque partem; interim tacitè ſecum rationum momenta diſcutiant, concedantque conſultatoribus ſufficiens pro rei gravitate tempus deliberandi, ut ſic in ferendis ſententijs prudenter procedant.

L X X V.

In ſententiã, quam ſemel conſilio elegerunt fortiſſimè perſiſtentes etiã non obſtantibus quibuſcumque contrarijs ad executionem rerum conſtantiſſimè provehantur; ſi tamen propter circumſtantias primùm ex poſt facto ſupervenientes, aut priùs ignoratas, moralis impoſſibilitas rerum exequendarum, aut majora damna ab executione proventura conſpiciantur, prudentiã erit cum conſilio ſeniorum, aliam viam ingredi: præterea innatum animi teporem viriliter corrigant, maturèque malorum initijs obſiſtant, medicinas oppoſitas non ad extrema conijciant laborum pertæſi.

L X X V I.

Juſticiam diligant, tamque indifferenter erga omnes obſervent, ſuorumque delicta impunita non relinquunt, in horum tamen vindicatione pro rei gravitate & perſonarum qualitate itã ſe gerere ſtudeant, ut omnes medicinam potiùs, quàm vindictam ſentiant. Insuper prudentiã utantur, quã in delictis quædam diſſimulare ſciant, quæ tempore magis congruo corrigantur; graviora priùs corrigant, & gradatim ad minora ſic descendant, cognoscantque cujuſque naturam, quibus poſſiſſimùm ſinguli faciliùs corrigi poſſe videantur.

LXXVII.

In rebus agendis extrema devitent, proinde rigidiorē partem, nunquam facile amplectentur, quamdiu per mitiorem viam se obtinere possē correctionem sperant; neque interim per neglectum aut contemptum minimorum solis gravioribus invigilandum esse sibi falsò persuadeant, aut in hisce errantes admonere & punire negligant. Memores quoque potestatis superioritatis sibi factæ, cujusdam fictæ humilitatis studio, sua mandata, seque ipsos subiiciendo contemni non permittant; multò minùs subditorum judicia suis ita anteponan, ut malint ex illorum sententiâ errare, quàm ex suâ prudenter aliquid ordinare.

LXXVIII.

Vt in perpetuâ quadam erectæ mentis Statione suo officio invigilare valeant, temperantiæ fulgore omnibus tam domi, quàm foris præluceant, & convivia devitent; neque spreto domesticorum suorum commercio externorum conversationem, & amicitiam ambient; sed libenter cum suis esse, conversari, & convesci satagant; erga quos etiam, uti erga omnes alios liberales cum debita tamen moderatione existant. In conversatione se suis ridendos nunquam exhibeant, nec rebus illis se immisceant, quas ignorant, aut in quarum scientiâ non excellunt, indè enim dedecus potius, atque contemptus, quàm autoritas in eos redundare solet.

LXXIX.

Venerationis, aliarumque prerogativarum obsequia sibi à subditis præstita mutuo honore, & charitatis officio omnibus grati rependant; quin & tamen ejusmodi venerationum stipendio subinde priventur, à charitativo tamen eorum obsequio minimè recedant; hoc namque animos mirè devincire, ac quasi captivare consuevit. Animi motus sibi subiectos moderatèque suspensos habeant, maximè verò iracundiæ frangere inijciant, & ubi subnascentes illius stimulos senserint, vincant se ipsos, & cum tranquilla mens fuerit, quid agendum sit judicent.

LXXX.

Caveant se respectibus humanis induci, ut horum intuitu ea inferioribus permittant, quæ cum Instituti disciplinâ, felicibusque ejus progressibus pugnent; In omnes intentos habeant oculos, & in eos etiam quorum virtuti atque industriæ multa committuntur, caveantque ne in eos nimis, vel confidentia, vel diffidentia ferantur, quia utrumque felicem familiæ gubernationem nonnunquam labefactat. Similiter uni nimium addicti tantum nunquam tribuant, ut alij se neglectos contemptosque sentiant, quæ omnia emulationes, &

contemptus, aliaque ingentia mala in gubernationem domesticam invchere solent.

L X X X I.

Detractionibus non solum fidem, ac aures non præbeant, sed veluti pestem hoc vitium proscribant; Adulatorum assentationes fugiant, neminemque in sua consilia admittant, quem huius vicij reum habuerint. Quæ talenta unicuique Deus, natura, experientia, ætasque concesserint, Superiores solerter observent, & ex eorum cognitione munera domestica singulis dividant.

L X X X I I.

Seniores, ac laboribus fractos ex animo colant, & venerentur, illorumque necessitatibus sedulo occurrant, paternèque habeant. Paternam infirmorum curam gerant, ex animo illis condolendo, sæpius visitando, verbis, alijsque tam spiritualibus, quàm temporalibus medijs consolando. Cognoscere quoque debent domesticorum suorum egressum & ingressum, quibusque in occasionibus, & cum quibus conversentur, quid à singulis domi fiat, omnesque domestici ordinis ac disciplinæ perturbationes pro viribus eliminare conentur.

L X X X I I I.

Ut officio suo eò magis satisfaciant, in diarijs omnia notabiliora consignabunt eo ordine & modo, ut si necesse sit, omnibus rationem reddere valeant. Sic iuramenta à singulis præstita, & manu propriâ subscripta, aliaque ejusmodi particularia certo loco asservabunt, & ut has ordinationes perpetuò observent, singulis diebus tacitè se-cum penitent, quid in officio sibi commissio neglexerint, & si quid deprehenderint, seriò proponant cum diuinâ gratia in humilitate spiritus emendare.

De Regressu ad Superiores.

L X X X I V.

VNicuivis subdito recursus ad Superiores majores conceditur, ut si quandoque quispiam à suo immediato Superiore, sive in spiritali, sive in temporalis necessitate indebitè gravaretur, & de illis Superior humiliter rogatus remedi non nollit, in eo casu ad medium & altiorem Superiorem, eo amoris, & confidentiæ filialis affectu accedat, quo filius ad Patrem necessitate pressus accedit; servandus tamen erit in ejusmodi recursu debitus ordo, ut saltem regulariter, & sine speciali causâ, ab infimo Superiore, omisso medio ad supremum non recuratur, excepto recursu ad S. Pontificem, qui semper etiam omisso medio adiri potest.

Quod

LXXXV.

Quod si ob quamcunque difficultatem á Superioribus hujus Instituti per privatam & æconomicam directionem, servato prædicto ad Superiores regressu, non correctam, ad forum publicum in rebus hoc Institutum concernentibus á gravato deferenda foret, decisio talis difficultatis, juxta hujus Clericalis Instituti Constitutiones á S. Sede Apostolica approbatas, & Sac. Canones reguletur ab eo Reverendissimo Domino Ordinario in cujus Diœcesi ejusmodi difficultas occurrat.

LXXXVI.

Prædictus regressus in verâ, benè consideratâ, & rationabili necessitate, quæ vel personam, vel æconomiam, vel statum concernat, ita fiat ut interim de pristino, ac debito amoris affectu, aut de subjectionis voluntate, ac promptitudine nihil remittentes, omnia æquo animo, sedatis prorsus passionibus cum debita humilitate, suæ voluntatis resignatione, ac prompto & indifferenti ad omnia animo, Superiori aperiant, & ejusdem Iudicio tanquam filij obedientiæ acquiescant. Modum denique cum in prædicto regressu ad Superiorem observent, ut inde nulla incommoda, aut disciplinæ domesticæ detrimenta consequi possint.

De revelatione hominis interioris Superiori faciendâ.

LXXXVII.

Medium inprimis necessarium ad conservandos status spirituales in debitâ suâ perfectione, & perenni felicitate est revelatio hominis sui interioris, cujus beneficio notitia acquiratur, quâ proprijs quarumlibet tentationum & supplantationum diaboli (quibus ipsam statûs substantiam, & genuinum vocationis spiritum paulatim in singulis membris infringere, enervare, & pessundare conatur) principiis maturè obvietur ac resistatur, infideliæque mundi, ac carnis maturè depræhensæ deregantur ac declinentur, aut futuræ imminentesque præcaveantur.

LXXXVIII.

Proindè singulis annis unusquisque semel tempore exercitiorum, Spiritualium Patri suo Spirituali totum hominem suum spirituales, & internum fidei sinceritate revelet, & detectis eâ ratione Diabolicæ supplantationis insidijs, & salutaribus ejusdem consilijs contra eandem munitus interim de novo piè Sancteque vivere, & in via salutis, ac perfectionis progredi incipiat; Confessario quoque suo proprio suum internum hominem tam ad bona, quàm ad mala aperiatur, insinuatque sive bonos sive malos revelet. Præterea per modum fa-

miliaris colloquij Superiori in districtu decanali omnes Clerici qui sub ipso degunt, tempore visitationis fideliter statum in quo pro tempore quoad suum hominem Spiritualem fuerint, aperient; cuius etiam Spiritualibus medijs, & pijs mouitis, quæ præscripserit, diligenter acquiescent.

LXXXIX.

Idem observabunt Superiores Decanaliū districtuum respectu Præsidis Diœcesani sub visitatione annua ejusdem, aperiendo eodem modo statum hominis sui spiritualis candida fidelitate; Pari ratione Præsides Diœcesani quoad suas personas, uti & illi, qui ipsdem Præsibus cohabitant, observabunt respectu majoris superioris sive tempore visitationis, sive alio tempore convenienti, singulis annis hominem suum interiorem pari ratione revelantes, & sic per ordinem Superiores omnes usque ad Supremum Præsidentem id observabunt. Denique ipsemet Præsides Supremus in annuis exercitijs eandem revelationem hominis sui interioris Patri suo Spirituali faciet, pari quoque ratione negotium animæ suæ in humilitate & fidelitate cum Confessario suo proprio omni tempore vitæ suæ pertractabit. Porro dexteritas in superioribus requiritur, ut revelantem ad sectandam majorem perfectionem in fortitudine Spiritûs excitatum cum consolatione dimittant.

De notitiâ Personarum habendâ.

X C.

Quantum fieri potest Superiores hujus Clericalis Instituti notitiam de singulis, & de totius statûs Constitutione providere omni tempore callere oportet, quâ ratione singuli ad obtinendam æternam salutem, & status totus ad debitam suam perfectionem quam congruentissimè dirigatur: In hunc finem quilibet Superior tam pro spiritualium rerum, quàm temporalium directione constitutus, notabit ea, quæ consideratione digna fuerint: Deinde totius Instituti Præsides pro felici gubernatione nosse debet singulorum districtuum statum, uti & alij superiores districtûs sui notitiam habebunt: In hunc finem Superiores inferioris ordinis, majoribus Superioribus de personis sibi subditis debitam informationem certis temporibus dabunt; scilicet Superiores Seminariorum de suis studiosis, uti & Superiores Domuum emeritorum de personis ibidem existentibus, Superiores districtuum decanaliū de personis sui districtûs, & sic per ordinem.

X C I.

VT Communitas bonorum cum majori fructu Ecclesiæ Catholicæ, ac præsertim Cleri executioni dari possit, & ut omnia hujus Instituti membra videant, ac re ipsâ experiantur, quod præter bonum in rebus, & exercitijs spiritualibus ordinem, etiam temporalium, administratio in omnibus, quoad fieri potest, ordinatè procedat, singulorum locorum Oeconomi eam in administrandis rebus temporalibus adhibeant curam, ut meritò singuli propter bonum in rebus omnibus ordinem ex animo lætentur.

X C I I.

In hunc finem tam Superiores, quàm Oeconomiarum administratores, & quicunque aliquo modo rerum temporalium curam habent, magnâ curâ, providentiâque circumspectientes attendant tam ad subditos suos, quàm ad universæ Oeconomix administrationem, eumque in eadem ordinem constantè observare satagant, ut ex illa unicuique omnia non solum ad necessitatem, sed etiam ad convenientem commoditatem ministrentur; itaque omnes qui simul habitant exindè satisfactionem habeant.

X C I I I.

Ad obtinendam prædictam administrationem domesticam spectat, ut singularum hujusmodi rerum administrationes ita dividantur, quatenus mediante subordinatione officiorum à summo usque ad infimum singuli in ordine, ac munere suo ritè præstando omni tempore contineantur, & ordinationis suæ directionem à Superioribus capiant.

X C I V.

Oeconomi seipfos alijs non præferentes, ac potius in omnibus per abnegationem sui exemplum præbentes, ita cum alijs uniformitèr per omnia vivant, ut intrâ omnes ab infimo usque ad summum, amoris, pacis, mutux dilectionis, & unitatis vinculum integerrimè conservetur, dum omnes (cæteris paribus) ex prædictâ rerum omnium uniformitate se verè pro filijs, & domesticis haberi manifestè deprehendunt.

X C V.

Quòd si contingat aliquem esse debilioris complexionis, superiores illius infirmitati paternè condescendentes, eundem cum consensu Reverendissimi Ordinarij in Parochiâ, vel conditione aliquâ ubi cum socio secundum aliquas commoditates sibi necessarias commodius vivere possit, exponi curabunt. Universi erga suos in infirmitatibus & alijs casibus humanæ necessitatis austeri non existant, sed magis

per omnia iisdem compatiētes, se verē & cordialitēr charitativos exhibeant.

XCVI.

Ob gravissima damna, quæ tam ex parte domesticorum, quàm externorum evenire solent æs alienum non contrahant; proinde familiam suam eâ circumspēctione instituāt, ne facilē unquam annuū sumptus, redditus excedant, ex opposito namque cumulata debita debitis accrescunt.

XCVII.

Pro domesticâ politia debitē conservandâ, omni possibili conatu; diligentia, ac providentiâ curent rerum omniū munditiem servare; non minori sedulitate studeant, ut omnia & singula in suis locis sint disposita; In quovis loco particulari vestiariū ordinetur, in quo sicut omnia vestimenta asservari, ita etiam ex eodem omnia & singula cuilibet subministrari oportebit: debita quoque Bibliothecæ & librorum cura habeatur, talesque libri procurentur qui potissimū pro meditationibus, lectione spiritali, concionibus, cathechesibus, & similibus usibus necessarij erunt; Catalogus quoque librorum in eodem loco asservetur.

XCVIII.

Queniammodum abjectio aut nimius lux exterioris speciei, atque habitus Clericorum apud omnes vituperare, & contemptibilem reddere, ita modestia, & honestas maxime semper commendare consuevit; Unde cuius laborandum est, qua ratione utrumque conjugatur. In Vestitu ergo uniformitatem & honestatem longarum togarum, sive salarium cum collaribus, prout honestos Clericos decet, ubique terrarum omnes diligentē observabunt. Cura autem hujus penes dispensatorem rerum temporalium cujusque loci erit ut suos honestē, & maturē vestiri faciat, & uniformitas quantum fieri potest, perpetuitate quādam ubique & in omnibus observetur. Materia togarum salarium universim ea erit, quæ & honestatem & modestiam in homine exteriori præferens individuā quādam societate conjungit, qualis omnis illa materia esse potest (servatâ discretionis proportionē aliquo modo ad officium, & dignitates externas) quæ splendore, formâ, aliisque qualitatibus vanitatem, luxum, & molliem minimē præferat.

XCIX.

Similitēr in victu aliisque quibuscunque rebus cum cæteris paribus æqualitatem, & uniformitatem erga omnes observent, quâ debita animorum unio inter domesticos foveatur; ejus quoque providentiæ Superiores & Oeconomi esse debent, quâ singulorum necessitates sollicitē respiciant, & præveniant; aliorum quoque consilio præsertim

in

in rebus gravioribus familiam suam in via charitatis fideliter admittrent.

C.

Quod attinet ad rationem administrandę Oeconomix ad extra studiosę caveatur, ne avaritię nota huic Clericali vitę Oeconomorum sive aliorum culpā meritō imputari possit: Hinc, si legata quędam pia huic Instituto advenirent, in ijs magnā cum moderatione, & quarumcumque personarum satisfactione, quantum prudenter fieri poterit, procedi debet; Pari modo in vendendo & emendo Oeconomii æquitatis sint memores; Opificibus quoque & operarijs satisfactionem sine morositate præstent: idem etiā observetur quoad famulos aliosque domesticos.

C I.

Circa Iura stolę, oblationes annuas, funeralia, ac similia accidentalia omnes omninō tam prudentię, quā discretionis memores, liberum illis, qui talia solvere tenentur, relinquunt dare ex bono & libenti animo, quod justum & æquum ipsimet judicabunt, & sinē gravi difficultate dare poterunt; Quod si verō bonitate & discretionē illā subditos abuti videant, tum meritō quę sibi ex Iure Parochię & Ecclesię ordinatione debentur ad Iura Parochialia manutenenda postulare poterunt, & subinde debebunt.

C I I.

Vnusquisque Sacerdos beneficiatus ad distribuendum pauperibus aliquid habeat, ut pro ijsdem convenienter expendatur. Ordinarię tamen elemosynarum elargitiones non ab omnibus passim fiant, sed ab Oeconomo, aut alio ab eo deputato.

C I I I.

Iuxta Constit. 20. Sacerdotum super redditibus omnibus tam fixis, quā accidentalibus, uti & super expensarum ordinarijs, quā extraordinarijs, justus & exactus calculus ab omnibus Oeconomis in manuali sive libello quodam ubique teneatur, ordinatumque quoddam ratiocinium quot annis ab unoquoque Oeconomo, de omnibus acceptis & expensis conficiatur, ac certo loco, ac tempore præscripto exhibeatur. Ut verō ordinatiū in hoc puncto procedatur, particularia ratiocinia asserventur in quovis loco particulari, decanalia in loco decanali, extractus eorumdem apud capsam Diocesanam, sicque usque ad calculum generalem omnium rerum hujus Instituti procedendo, quatenus superioribus convenienti tempore ubique exhiberi possint.

C I V.

Archivium particulare in quovis loco, & aliud in loco decanali, uti & in quavis Diocesi, & Archidiocesi, generale denique pro toto Insti-

Instituto ordinari debet, ita ut in particularibus documenta Parochialia, specificatio reddituum, inventaria rerum domesticarum, una cum inventarijs librorum, & similia: in generalibus verò Archivij generalia documenta asserventur eo ordine, & modo, ut pro quavis occasione statim ad manum haberi possint.

DE OFFICIO ET DIRECTIONE SUPERIORVM IN SPECIE.

C V.

Superiorum hujus Clericalis Instituti sequens subordinatio statuitur, uti & Oeconomorum qui dependenter à Superiorum directione rerum temporalium curam gerunt; ut ita ab infimo usque ad summum tam Superiores, quam Oeconomi inter se connexionem, & debitam dependentiam habeant, ultimaque dispositio hujus Instituti à Præsede Supremo derivetur, ut sic mutuo consilio & directione, ordine suo peragantur, & dispensentur.

C V I.

Tota verò subordinatio tam Superiorum, quam Oeconomorum in quinque gradibus personarum consistit. In primo sunt superior cujusque loci particularis; in secundo superior alicujus districtus Decanalis, & Oeconomus; in tertio Præsides, & Oeconomus Diocesanus; in quarto, ubi Dioceses quædam correspondentiam habent, Præsides Archidiocesani, & Oeconomus; In quinto denique Supremus totius Instituti Præsides cum suo Oeconomo; qui omnes quatenus à Reverendissimis DD. Ordinarijs suis deprehendant, habetur supra numero LXXXVI. & in sequentibus clarius exponitur.

DE PAROCHIALI, ET CUIUSQUE LOCI PARTICVLARIS DIRECTIONE.

C V I I.

Quia Clerici, & Sacerdotes hujus Instituti per pagos, & Oppida in salutem populi dispersi bini, terni, vel plures cohabitare solent, divisim in singulis locis superioritas, & inferioritas constituatur necesse est, ut disciplina debitum observationis effectum sortiantur, dum omnes uni in quovis particulari loco obediunt, quam superioritatis directionem perpetuò is habebit qui Parochus, sive principalis beneficiatus cujuscunque loci pro tempore extiterit.

C V I I I.

Cui proinde non solum tota familia, verum magis Clerici cohabitantes.

bitantes in omnibus, quæ rationabilia secundum Deum fuerint, tam in spiritualibus, quam temporalibus secundum præscripta hujus Clericalis Instituti obedient; qui tamen non omnia proprio motu disponet, sed suorum Consilium in omnibus, quæ alicujus momenti fuerint, adhibebit.

C I X.

Singuli locorum particularium Superiores suorum maximè domesticorum curam ex animo gerant, diligentiquecircumspectione attendant, ut timor Domini & animorum unitas perpetuò in ædibus suis vigeant: tam in gubernatione domus, quam administratione, Oeconomix dirigi se sinent à sui Decanalis districtus Superiore, & quæ in visitatione vel aliàs fuerint mandata, diligenter observabunt.

C X.

Inspiciant frequenter in anno res quæ possidentur, ut quæ reparatione indigent maturè reparentur, aut quæ servando servari non possunt, de illis maturè disponatur. Vigilanti etiam curâ ad suppellectilia, libros, cellam, & loca frumentis deputata attendant, ne quid intereat furto, prodigalitate, aut alio modo malè distrahatur; quare claves diligentèr penes se vel (si ratio particularis ita postulare videatur) Clericos sibi cohabitantes retinebunt.

C X I.

Originalia decimarum aliorumque proventuum instrumenta in Archivio cujusque loci diligenter asserventur cum annotatione temporum quibus quæque pendi solent, juxta quorum normam singulis annis fiant duo libelli, ut in unum referantur per ordinem prædiorum perceptæ decimæ, in alterum verò annui Canones, sive hi in certa pecunia, sive in alia re pendantur; sine præscitu Superioris districtus Decanalis fructus decimarum in agris non vendantur, nihilquè quoad locationes, contractus, aut debita contrahenda, aliaque similia spectat sine ejusdem Consilio, aut consensu faciant; cui tamen rationes suas in contrarium, si quas habuerint, modestè proponant.

C X I I.

Inventarium ordinatum secundum certas Rubricas omnium mobilium quæ in domo sunt, vel ad ipsam spectant, habeant, illudque annuatim tempore visitationis renoveant, adscribendo ea quæ noviter advenerunt, & expungendo quæ absumpta vel vendita fuerint. Referant quoque summam in Codicem lites, & acta quæ alicujus momenti circa res temporales contigerint. Si quæ utensilia ab extraneis commodato acceperint, annotent omnia speciatim, & calculo rerum

rerum domesticarum specificationem adjungant , donec singula re-
stituantur .

C X I I.

Nullos Notabiles sumptus in ædificia aut alias extraordinarias cau-
sas exponent, sine præscitu Superioris Decanalis & expresso illius con-
sensu , & quod in usus quotidianos oportebit necessariò impendi, cu-
rent , ut id debita utilitate & industria fiat .

C X I V.

Conscribent de die in diem secundum certas Rubricas in Libro sive
Mannali ad hoc deputato, tam quæ in frumentis , quàm quæ in pe-
cunia & alijs acceperint , & expenderint , reddantque desuper ratio-
nem Superiori districtus Decanalis saltem semel vel bis in anno quan-
do visitabit . Cui etiam debita & credita Parochiæ aliaque majoris
momenti negotia , & acta sua indicabunt , ut ita totius familiæ sta-
tum plenè intelligere possit .

C X V.

Pecunias , quæ ad quotidianos usus non fuerint necessariæ , seorsim
reponant , prompto paratoquè animo consignandi Superioribus suis,
quantum ex ijs in aliquà particulari necessitate ad bonum hujus Insti-
tuti Superioribus necessarium visum fuerit .

C X V I.

Tenentur certo statuto tempore facere relationem Superioribus di-
strictus Decanalis, non solum de vita & moribus Clericorum sibi co-
habitantium & domesticorum , verum etiam in quo statu familia
tam circa temporalia , quàm spiritualia versetur , & quæ pericula
incommodaque emergere possè videantur . Ad Conventum in distri-
ctu Decanali habendum annuatim quoquè debent comparere , scien-
tiarum exercitationes frequentare , aliaque media arripere , quæ ad
conservationem institutæ disciplinæ à Superioribus salubriter fuerint
ordinata .

C X V I I.

Clericos sibi cohabitantes ad nutum Superiorum (postquam à Re-
verendissimis Dominis Ordinarijs id petatum & concessum fuerit) su-
scipient vel dimittent , prout commune Parochianorum , vel Clerica-
lis hujus Instituti , aut particulare ipsorummet Clericorum bonum
requisiverit . Qui verò Canonicè investiti Parochi vel beneficiati
fuerint , non nisi ex rationabili & gravi causa à Reverendissimis Do-
minis Ordinarijs cognita & approbat (servatâ Sacrorum Cano- um
& Sacri Concilij Tridentini dispositione) mutabuntur . Ad Vacan-
tia beneficia non pro arbitratu suo aspirabunt , sed expectabunt , do-
nec à Superioribus Instituti Ordinarijs ad ea assequenda commen-
dentur .

C X V I I I.

Oeconomus cujusque loci particularis ordinarié ipse Parochus erit, aut qui in illo loco primas tenet; quod si tamen Parochus in Spiritualibus magis, quàm temporalibus præstaret, vel pietatis studio absorptus, hæc infima despectare videretur, ad illius instantiam Oeconomix administratio in alium apriorem transferri poterit; ita tamen ut Parochus Superior semper exiât, ab ejusquè directione ille Oeconomus dependere debeat.

C X I X.

In casu quo ipse Parochus Oeconomiam administrabit, inferiorem quandam dispensationem Clerico cuidam cohabitanti ad hoc apto dabit. Verbi gratia curam vestiarij, cellæ vinariæ, expensas quotidianas minutiores in culinam, accepta in stola minori, de quibus omnibus singulis mensibus rationem reddere teneatur.

Observanda quadam ab illis, qui Parocho aut Beneficiato principali cohabitant.

C X X.

Rerum temporalium administrationi præter, vel contra officium suum nemo se immisceat, nec earum dispositionem ambiat: liceat tamen cuique prædictarum rerum dispensatorem fraternè per modum consilij de aliquo notabili emolumento vel detrimento Oeconomix admonere; res necessariæ quoad vestimenta & alia utensilia ab Oecono^{mo} singulis procurentur.

C X X I.

Quemadmodum Parochi, alijque Principales Beneficiati, ità & Capellani, & quicunque Beneficiati, aut Clerici cum alijs cohabitantes, singuli suos redditus vel certum suum salarium habeant, de quo in usus huic Instituto convenientes congruo modo disponere possint; cum quilibet respectum & obligationem suam non habeat ad personam particularem hanc vel illam, sed quivis ex ipsis toti Instituto quoad se, & redditus suos, ac vicissim totum Institutum cuilibet membro obligatum intelligatur. Cæterum hæc ordinatio, quod Clerici certum salarium habere debeant, de ijs tantum intelligitur, qui finitis studijs, aut præstito Iuramento, certum officium habent. Clerici verò primæ, & secundæ classis, cum ante præstitum Iuramentum nondum ad communitatem bonorum obligentur, si quod bene-

ficiū habeant , ad aliud non obligantur , quā ut sumptus pro suis personis factos ex beneficij redditibus solvant .

C X X I I.

Vnde is qui præst in quavis domo particulari, debet id , quod cohabitantibus Clericis ex Saliarijs ac redditibus ultrā victum , vestitum , & alias expensas per annum superest , Superioribus consignare , ut pro ipsimet Clericis servato ordine & distinctione asservetur , donec ipsimet pro Oeconomia inchoanda, vel pro subsidio pauperum parentum suorum , alijs congruis , aut necessarijs expensis faciendis indigeant , aut Instituto voluntatiē in vita confluent .

C X X I I I.

Cuilibet Beneficiato aut Clerico aliquid pecuniæ ab Oeconomo ad obvios & quotidianos necessarios usus ita dandum est , ut postquā expenderit , tantundem ab Oeconomo denuò accipiant ; accepta verò ratiocinijs debito modo, & ordine inscribantur , prout alia omnia quæ sub manibus suis concredita habuerunt certo statuto tempore in manuale Oeconomi referenda sunt .

*DE DIRECTIONE IN DISTRICTV DECANALI
SERVANDA.*

C X X I V.

VT directio Parochiarum , aliorumque locorum particularium fructuosè subsistat , sequitur secunda superioritas , ad quam pro quolibet Decanali districtu locorum Decani rurales si ex hoc Instituto fuerint , aut alij habiles ex eodem districtu assumuntur , qui per Iuramentum Reverendissimo Domino Ordinario suæ Diœcesis , uti etiam huic Instituto (quatenus de fidelitate eorundem quoad publicam Ordinario , & quoad privatam sive Oeconomicam directionem Instituto sufficienter provideatur) sese obligabunt juxta formulas infra num. 142. & 143. expressas , solis personalibus mutatis .

C X X V.

Dicti Superiores districtuum Decanaliū , si simul publico officio Decani fungantur , præter consuetam publicam functionem , quā omnes totius Decanatus Parochos , & alios Presbyteros in foro externo dirigunt ; insuper non solum quos secum in Domo Decanali habuerint, sed etiam omnes illius districtus Parochos & Clericos (qui ex Instituto sunt) secundum illius constitutiones gubernabunt , quorum directioni omnes tam in spiritualibus , quā temporalibus filialiter subjacebunt : ipsi verò eadem quæ à Parochis observanda sunt imprimis observabunt , ut ceteri illorum exemplum respicientes captivati ad imitationem facilius trahantur .

C X X V I.

In quem finem memores esse debent quanto perere referat, ut suos domi, & omnes sui Districtus Sacerdotes & Clericos non secus dirigant, ac si omnes ipsis cohabitatione existerent presentes; hinc in domo sua vigilantè curabunt omnium Constitutionum exactum servari ordinem, libenter quoque videant, si Sacerdotes sui districtus frequentè in Domo Decanali suum regressum querant, invigilentque ut omnem charitatem sentiant, & mutuam animorum unitatem inibi quasi propriam suam habere residentiam experiantur; Ex quo Capite mirè ad obsequium imitationis, mutui amoris, & obedientie trahentur.

C X X V I I.

In gerendis rebus ad Directionem suam pertinentibus quorundam Sacerdotum secum habitantium, uti & in suo districtu existentium, Consilium adhibeant, eorum maxime qui Iudicio Præsidis Diocæsani prudentiâ, & agendi dexteritate præ reliquis pollere judicabuntur; in domo sua Seniores Sacerdotes constituent, cui in sua absentia, directionem domus committant, cum instructione debita, secundum quam sciat se gerere.

C X X V I I I.

Ordinariè bis in anno singula sui Districtus loca, unâ cum Socio Oeconomo visitando diligenter inspiciant, non solum transeundo, sed cum Clericis singulorum locorum sine suæ personæ acceptatione per aliquot dies in quotidiani cursûs & exercitiorum observatione, convivant, non secus ac si domi degerent, ut hæc ratione ceteri excitati, ejus quæ in disciplina & quotidianis exercitijs jugiter adhiberi debet, sedulitatis exemplum concipiant: Videant quoque num omnia tam in spiritualibus, quam temporalibus juxta normam hujus Instituti observentur; & quæ ex mutuis Parochorum aliorumque cohabitantium relationibus minus accuratè observari deprehenderint, verbo, & opere ad debitam observationem reducere conentur.

C X X I X.

Gravamina & difficultates singulorum audient, & pro possibilitate sublevabunt: quorum dilatio fieri non potest, & majoris momenti sunt, Superioribus statim intimabunt, eorumque dispositionem, quam cum necessario præscitu & consensu Reverendissimi Domini Ordinarij fecerint, vel fieri procuraverint, studiosè exequantur: quæ verò moram patiuntur diligentè annotabunt, ut Præsidi Diocæsano desuper suo tempore ordinatè referre possint; horificent item uniuscujusque genium, quatenus ad meliorem gubernationem & salutem requiri videtur: Præmoneantque maturè de necessarijs mutationi-

tionibus & morbis Parochorum, ut Superiores maturè singulis providere, & necessarias dispositiones facere, aut ab illis quorum interest ut fiant curare valeant.

C X X X.

Si officio publico Decani simul funguntur, considerantes duplicem obedientiæ ordinem, in ijs quæ Reverendissimorum Dominorum Ordinariorum sunt, eorum Officialibus, in ijs verò quæ Institutum specialiter concernunt, Superioribus illius fideliter morem gerant, ad quod eò magis obligabuntur, si in his quoque mandatum speciale eorundem Reverendissimorum Dominorum Ordinariorum accedat, juxta quæ in visitationibus statutis ea quæ Ordinariis sunt, ad normam publici juris instituunt, repertos defectus corrigendo; quæ verò ad hoc Institutum specialiter spectant, secundum normam Constitutionum dirigant, graviora utriusque fori sic notent, ut Reverendissimo Domino Ordinario & Præsidi Diœcesano Instituti debitè referre possint.

C X X X I.

Singulo trimestri, sive quibusvis anni quartalibus ordinariè Præsidi Diœcesano integram relationem facient de statu in quo unusquisque locus & persona Instituti versetur, tam circa spiritualia, quam temporalia; idem facient extra hoc præscriptum, siurgens necessitas id postulaverit. Ipsi quoque in directione sua quoad res Instituti regi se permittant à Præsidi Diœcesano, quod à potiori etiam de alijs Superioribus intelligendum est, nihilque majoris momenti sine eorum præscitu & voluntate aggrediantur.

C X X X I I.

Ad Conventum Diœcesanum comparere tenentur, quoties Superiores Instituti eos ad hunc conscripserint; Singulis annis duos in districtu suo Conventus instituunt; ad unum horum Parochi, ad alterum Capellani & Beneficiati conveniant, ut singuli referant quæ ad observationem accuratiorem præscriptæ disciplinæ, & ad meliorem hujus Instituti progressum, in singulis locis circa personas, spiritualia & temporalia relatu necessaria fuerint.

C X X X I I I.

Tam domus illius, in qua habitat, quam Parochiarum pecuniæ, quæ ad communes pios usus consignantur, vel etiam pro personis particularibus solummodò asservantur, reponantur in arcam ad hoc destinatam, cujus clavem unam ipse, alteram Senior Sacerdos, & tertiam Oeconomus diversam custodiat. In eadem liber asservabitur, in quo scribatur summa pecuniæ, tam quæ infertur, quam quæ effertur pro necessitatibus in districtu illo evenire solitis.

C X X X I V.

In Archivio suo diligenter asservabunt instrumenta originalia, non solum proventuum illius loci cui particulariter præsent, verum etiam singularum Parochiarum transumpta manu notarii publici subscripta suis locis reponant, ut facile inveniri possint; similiter servent distinctam & ordinatam registraturam circa acta sui Officii publici (si id simul gesserint) ab ea, in quam acta Instituti oportebit referri.

C X X X V.

Post singula sexennia in locis, ubi decanorum mutatio solita est, in Conventu Decanali Superiores pro tali districtu constituti mutentur; in alijs locis ubi hoc munere perpetuo fungi solent, elapsis dictis annis, quoties rationabiliter visum fuerit, confirmari poterunt. Constituentur verò à Præsidente Diocæsano, ubi correspondentia non est quoad Domum juventutis, & emeritorum in una Archidiocæsi; Vbi verò ejusmodi correspondentia est, Præses Archidiocæsanus eisdem servato ordine, & modo debito constituet: qui deinde acceptati à Reverendissimis Dominis Ordinarijs suis, eisdem juxta formulam superius citatam per Iuramentum se obligabunt. In casu quo Decanus perpetuus ob negligentiam, vel aliud Instituto intolerabile delictum mutandus foret, interim tamen ut ab officio publico depunatur commodè obtineri non possit, Superiores privatam directionem statutz disciplinz hujus Instituti in quemcumque habiliorum Parochum, vel beneficiatum illius districtus transferent.

De Oeconomo Decanali.

C X X X V I.

OMnes Parochiarum aliorumque locorum Oeconomi ab uno Decanali Oeconomo, qui in hujusmodi rerum administratione prudentiam, sedulitatem, & dexteritatem habere noscatur, dirigentur; qui vigilantem oculum habebit, ut non tantum in Domo Superioris Decanalis, sed ut ubivis omnia rectè ordinentur.

C X X X V I I.

Ad eum finem sapius in anno, prout præsens necessitas, & utilitas requirit, ad singula loca veniet, ad cognoscendum cujusque Oeconomiz statum, & ad defectus si qui occurrant maturè emendandos; In defectum Oeconomi, ipse hujus Districtus Superior id præstabit per se, quod per Oeconomum ab eo dependentem præstari debuisset, donec rebus melius ordinatis, alia persona pro hoc officio ipsi adjungi possit.

Iudicio Præsidis Diocesani unus ex Domo Decanali magis idoneus ad Oeconomiam inferioris curam constituatur, qui quotidianas expensas, & accepta in codice, sive manuali conscribat, reddatque singulis mensibus accepti & expensi rationem, ut deinde ea summam in librum rationum domus Decanalis secundum certas Rubricas referatur.

DE PRÆSIDIS DIOCESANI DIRECTIONE.

C X X X I X.

IN unaquaque Diocesi ubi receptum fuerit Institutum Præses Diocesanus erit, qui debet disciplinæ & Constitutionum observantiam inter Clericos districtum Decanali curam & directionem habebit; Sique Reverendissimus Dominus Ordinarius eundem Vicarij in spiritualibus Generalis munere fungi vellet, ad ejusdem beneplacitum utrique muneri cum debita obedientia satisfaciet, ne minimum omittendo aut faciendo, quod Ordinario ullo modo, sive quoad respectum, sive quoad aliud præjudicare jure videri posset; sed potius in omnibus ab eodem ita dependebit, eaque vigilantia officio suo satisfacere studebit, ut debitus respectus, iura, & simul etiam perfectior obedientia, illeque exopratus odor, bona scilicet conversatio à Clero ad obsequium ejusdem Ordinarij fideliter deferantur.

C X L.

Quod si non sit simul Vicarius Generalis Ordinarij sui, tunc ad Oeconomicam directionem, & Instituti hujus disciplinam tantummodò invigilabit, publica ne in minimo attingendo; aliàs si Vicarius Generalis simul sit, debitam distinctionem utriusque fori, tam fraternæ correctionis, & Oeconomice directionis, quam publici officij observabit, tam in ordinationibus faciendis, quam in relationibus, & visitationibus utrumque seorsim notando, & referendo.

C X L I.

Præsidis Diocesani officium erit totius sui districtus Clericos eaque vigilantia paternè ita dirigere, ut pie in hoc sæculo conversantes, omnibus visceribus in salutem Populi diffundantur, quibus ipse in omnibus præluce enixe studebit, ita ut inter suos in obedientia, humilitate, patientia, sobrietate, castitate, mansuetudine, modestia, gravitate, affabilitate, amore, & contemptu rerum temporalium quasi vivum omnium virtutum exemplum emineat.

C X L I I.

Ut fidelitas ejusdem, uti & Obedientia ac in officio sedulitas, tam erga Ordinarium, quàm respectu hujus Instituti magis constet, præstabitur juramentum juxta formulam sequentem.

Formula Juramenti pro Præfide Diocesano quo se Ordinario suo obligare tenetur.

EGO N. N. pro hac Diœcesi N. assumptus Præses Deo, & Tibi Reverendissimo Domino Ordinario meo, tuisque Canonicè intrantibus successoribus spondeo, & juro me sub Iurisdictione tua ordinaria, seclusâ omni exemptione in vita Clericali juxta Constitutiones Clericorum Sæcularium in commune viventium à Sancta Sede Apostolica approbatas semper victurum & moriturum, insuperque Clericos sic curæ meæ commissos & committendos juxta easdem Constitutiones fideliter directurum, & cooperaturum, ut hæc vita Clericalis ex primario suo fine animarum curam per Ordinarias functiones Parochiales intendens constanter perseveret. die N. Mensis N. Anno N. sic me Deus adjuvet, & hæc Sancta Dei Evangelia.

C X L I I I.

Formula Juramenti quo idem se Instituto obligare tenetur.

EGO N. N. Instituti Clericorum Sæcularium in commune viventium Sacerdos per Diœcesim N. constitutus Præses Deo, & Tibi N. N. supremo hujus Instituti Præsidi, tuisque Canonicè intrantibus successoribus spondeo, & juro me in hoc Instituto, salvâ Reverendissimi Domini Ordinarij mei Iurisdictione, semper victurum & moriturum &c. ut supra.

C X L I V.

Juxta prædictas Juramentorum formulas, mutatis mutandis, alij certorum districtuum Superiores Juramentum suum Reverendissimis Dominis suis Ordinarijs, & Instituto præstabunt.

C X L V.

Ut verò dictus Præses Instituti hujus Clericos & Sacerdotes quoad privatam & Oeconomicam directionem ad ædificationem Ecclesiæ eò facilius in sancta vitæ conversatione gubernet, in cujusvis Diœcesis Episcopali Civitate quosdam viros ex hoc Instituto secum habebit, qui ætate, ingenio, doctrinâ, discretionem, dexteritate, prudentiâ, & experientiâ docti excellent, & Præsidi à consilijs in rebus Insti-
tuti

tuti benè ordinandis existant; quidam verò inter eosdem Iuniores erunt, qui ingenio, doctrinâ, prudentiâ, & alijs ad idem aliquando præstandum prædici á cæteris addiscant.

C X L V I.

Ad hoc munus ex Decanalibus alijsque locis ad nutum Ordinarij assumantur viri, quorum prædictæ qualitates á Iuventute, & longâ experientiâ ex administratione officiorum, & datis Consilijs deprehensæ sufficienter Superioribus constiterint, ut ita Præses cum eisdem, & toto Clero sub Ordinario capite suo in vitæ sanctitate, & Clericali disciplina per debitam subordinationem omni tempore contineantur.

C X L V I I.

Ex prædictis Viris unus erit Oeconomus curam habens rerum temporalium hujus Instituti in tota Diœcesi, & alius Vir insignis in spiritualibus qui Præsidi Diœcesano in omni data occasione specialiter ad manum erunt.

C X L V I I I.

Porrò in obtinendis Parochijs aut alijs quibuscunque beneficijs ad quas vel quæ præsentationes ab Ordinarijs alijsque Ecclesiasticis, vel secularibus potestatibus tanquam patronis suppliciter impetrare oportet, communem stylum observantes, humillimisque precibus omni tempore ea pro subjectis idoneis petere, itaque dicta subjecta ad ejusmodi beneficia commendare studeant, ut quoad hæc, & omnia alia tam in obtinendis, quàm resignandis beneficijs respectu Reverendissimorum Dominorum Ordinariorum, & aliorum Patronorum ordo debitus, & usitatus cujusque curiæ Episcopalis stylus accuratè observetur.

C X L I X.

Ad Reverendissimi Domini Ordinarij sui beneplacitum singulis annis in propria persona totius sui districtus domos, in quibus Sacerdotes hujus vitæ habitant, visitabit, & ubique 1. 3. 4. vel plures dies prout præsens necessitas & utilitas postularit persistens singulorum locorum, deincepsorummets Sacerdotum gravamina & necessitates tam spirituales, quàm temporales paterno amore audiat, omnibusque secundùm rationabilem utilitatem corporis & animæ gratificare studeat: Errantes paternè corrigat, & ad meliorem frugem, per media salutaria reducere satagat, desolatos & pusillanimes consoletur, & mutationem eorum ordinet, ac per eum ad quem pertinet, expediendum curet, quorum saluti corporis, & animæ rationabiliter expedire judicaverit.

C L.

In spiritualibus attendat, quomodo singuli in vita spirituali subsistant, an non periculum ad lapsum aliquem immineat; an & qualiter in pace inter se vivant; an cum debita charitate à suis superioribus immediatis dirigantur, & quomodo disciplina Instituti tam in spiritualibus, quam temporalibus observetur; quæ omnia ex informatione mutua superiorum, & inferiorum, & ex particulari cum quovis colloquio scire poterit, corrigenda suavi consilio, & efficaci admonitione corrigit, & quæ notanda fuerint diligenter consignet.

C L I.

De visitatione annuâ suâ debitâ relationem Reverendissimo D. suo Ordinario faciet, ut cū ejusdē consensu aut positivâ approbatione omnia in praxim dirigantur: quod si item ex visitatione habitâ referenda fuerint, quæ ad publicum forum non spectant, eidem Reverendissimo D. Ordinario sic referantur pro necessarijs mutationibus & ordinationibus faciendis, ut nihilominus ea quæ secreta sunt, & salvâ charitatis & Iustitiæ lege propalari non possunt, & pro præsentibus circumstantijs ad solam fraternam directionem spectant, in secreto permaneant.

C L I I.

Ad domum Præsidis Diœcesani vel ad alium commodiorem locum, singulis annis cum consensu Reverendissimi Domini Ordinarii Superiores Decanales, eorumque Oeconomi indicto per Præsidentem Diœcesanum certo die, post habitos particulares Decanalium districtum Conventus congregabunt; eritque Conventus Diœcesanus, sive Congregatio in eum finem ordinata, ut videlicet omnia gravamina, necessitates, & omnia alia sive in spiritualibus, sive in temporalibus legitime proferantur, & quæ ad majorem Dei gloriam, proximorum salutem, & imprimis ad hujus Clericalis Instituti conservationem, incrementum, & perfectionem; deinde etiam quæ mores, ritus, & debitam in his uniformitatem, omnia denique quæ ad bonum spirituale & temporale spectant, auditis consilijs singulorum, præviâ maturâ consideratione, Præsides Diœcesanus desuper conclusa in Domino faciat. Decanalium districtum superiores, & alij singula conclusa, postquam Reverendissimo D. Ordinario fuerint concessa & confirmata, domum revertentes omnia executioni demandent, tam in domo sua, quam alijs in locis, quorum directio ipsis est demandata.

C L I I I.

Præsides Diœcesanus eligendus sit in Conventu Diœcesano post singulos octo annos, & in casu mortis, & extraordinariæ mutationis per assistentem prioris Præsidis in Spiritualibus, ac Superiores Decanales (Et per Præsidentem Archidiœcesanum pro eo casu, quo inter Diœcesim & Archidiœcesim adsit communicatio respectu domus Emeritorum,

& bonorum communium) si verò Ordinario placuerit, unum ex Instituto suum habere Vicarium Generalem, qui simul sit Præses, tunc tres præ omnibus digniores iudicati eidem per prædictos nominentur, & illius sit arbitrium eligendi unum, ex tribus magis idoneum. Eorum sit confirmatio Præsidis pluries facienda, si libuerit, quorum electio fuit.

CLIV.

Casu quo extraordinaria mutatio Præsidis Diocesani necessaria videretur, Præses supremus per certam personam, vel per litteras rationes hujus mutationis faciendæ Reverendissimo Domino Ordinario exponet humillimis cum precibus, ut in ejusmodi mutationem consentire dignetur; si verò Reverendissimus Dominus Ordinarius ipsèmet mutationem Præsidis ob ejus negligentiam, vel ex alia causa fieri veller, ut disciplina, & alia vi præsentis Instituti observanda eò melius in effectum deducantur, electio novi Præsidis eodem supradicto modo fiet. Si Præses Diocesanus officio etiam Vicarij Generalis fungatur, & negligenter se gerat in concernentibus Institutum, vel ex alio capite, sit in facultate superiorum Instituti, liberè alium eidem substituere, atque eligere.

CLV.

In præmissis casibus constitutus Præses, ubi à Reverendissimo D. Ordinario acceptatus fuerit, Juramentum ut supra præstabit; quod etiam tum fiet, cum in Diocesim quandam de novo Institutum introducendum, & talis Præses Diocesanus à supremo Præside deputatus fuerit.

CLVI.

Pro debita observantia Communitatis bonorum in singulis Diocesibus capsula sive arca quædam pro bonis communibus illius districtus constituatur, in quam certis temporibus ex Decanalibus capsis, quod pro eorundem districtuum necessitate & usu, moraliter iudicio superiorum non necessarium videbitur, deponi oportet; uti etiam quod aliunde in bonum illius Diocesis pro præsentis Instituti quocumque modo adveniet. Hujus capsulæ clavem unam Præses Diocesanus, alteram ejus oeconomus, tertiam superior particularis illius domus in qua capsula est, habebit.

De Oeconomo Diocesano.

CLVII.

VT administratio rerum temporalium, quam quilibet superior districtus Decanalium cum suo Oeconomo habet, suum finem debite obtineat; In quavis Diocesi Oeconomus erit, qui rerum tempo-

ralium Instituti in eadem Diocesi curam habeat, Præsidi cohabitabit, eidemque in munere suo sit subiectus, & cum eodem sub visitatione Oeconomias ex informatione mutua cognoscat; an omnia secundum Instituti huius disciplinam instituantur, & secundum necessitatem cum debita utilitate in visu, & amictu, alijsque rebus impendantur. Ratiocinia etiam tam in ædibus Superioris Decanalıs, quàm in alijs quibuscunque locis, unà cum cuiusque districtus Decanalıs Oeconomus recipiet, observanda præscribet, & emendanda corriget.

DE PRÆSIDIS ARCHIDIÆCESANI DIRECTIONE.

CLVIII.

Officium Præsidis Archidiæcesani pro totâ quadam Archidiocesi, in qua plures Dioceses uni Archiepiscopo subsunt, ordinatur. Quod si Diocesis quædam valde ampla cum alijs quoad Domum Eminentiorum connexionem non haberet, vel ex quocunque alio capite directio huius Diocesis à quodam Præside Archidiæcesano fieri non posset, eo casu torum quod à Præside Archidiæcesano præstandum foret, fieri debet per Præsidem dictæ Diocesis.

CLIX.

Præsidi igitur Archidiæcesano in suo districtu Præsides Diocesiani & alij Clerici huius Instituti quoad Oeconomicam directionem statutz disciplinæ, & observantiam Constitutionum subiecti erunt, tam quoad spiritualia, quàm temporalia in omni humilitate & reverentia promptaque obediendi voluntate, ejusque jussa libenti animo exequentur. Ipse verò Præsides suis in omni virtutum genere præluceat, omniaque in pondere prudentiæ, in mensurâ Consilij, & modo dexteritatis ac discretionis aggrediatur; ut eâ ratione omnes ad sui amorem trahere, & sine ullo superioris, ac publicæ potestatis præjudicio & offensione hoc Institutum optimè in Domino gubernare valeat.

CLX.

Prædictus Præsides debitâ obedientiâ, timore ac reverentia, Reverendissimis DD. Ordinarijs humillimè subiaccebit, negotia externa, Ecclesias, & quæ in alijs quibuscunque Iurisdictioni Ordinariæ subijciuntur, ne quidem in minimo attingere præsumat: atque ut de subjectione ejusdem omni tempore sufficienter constet, Reverendissimo Domino Archiepiscopo suo per Iuramentum se obligabit eâ formulâ quæ habetur supra nu. 142. de Præside Diæcesano, solis personalibus mutatis, quod idem etiam intelligitur de Iuramento quo se huic Clericali Instituto obligare tenetur, juxta formulam num. 143.

CLXI.

Ad eundem spectabit susceptio tam Iuventutis in Seminarijs huic Instituto proprijs, vel saltem notitia personarum suscipiendarum in Seminarijs Episcopalibus directioni hujus Instituti commissis, priusquam tales Iuvenes Reverendissimis DD. Ordinarijs pro actuali susceptione commendentur; suscipiet quoque qui jam Sacerdotes, aut finitis studijs ad hoc Clericale Institutum suscipi voluerint; & universim totius sui districtus directio in spiritualibus quoad disciplinam hujus Instituti a dicto superiore fiet, ad quem propterea graviora referenda erunt.

CLXII.

Eidem Præsidi a consilijs in eadem domo cum ipso, & in vicinia habitantes erunt quidam Viri prudentes & docti, quorum operâ, consilio, & maturâ circumspeditione in officio suo adjuvetur; prædicti Viri ad beneplacitum Reverendissimi Domini Archiepiscopi eidem simul a consilijs esse, & simul pro ratione circumstantiarum alia beneficia curata vel non curata in eodem loco consequi vel habere poterunt. De habitatione ejusdem Præsidis in Domo Emeritorum habetur parte 3. num. 17. & 18.

CLXIII.

Officium hujus Præsidis erit potiore tempore cum suo Oeconomo districtum suum visitare, & ubique ea, quæ præsens Institutum concernunt, sive spiritualia sive temporalia negotia sint, paternè ex omni parte instituere, ita ut ex hac ipsius visitatione superiores & inferiores ejusdem directioni subiecti dirigantur. Ad eundem spectabit per Oeconomum suum ordinare quomodo per media communis in singulis necessitatibus succurri possit, ac debeat; & universim commune bonum hujus Instituti in fines suos secundum Deum diriget, cum Præsidi Diocesano conferet, dando principia in praxi observanda, ordinando qualiter Sacerdotes recenter ordinati, vel alij qui beneficium stabile necdum obtinent, applicari debeant, ut ipse Præses Diocesanus postea eisdem Reverendissimo Domino Ordinario commendet, & promotionem in singulis casibus humillimis precibus impetret.

CLXIV.

In visitatione sua idem Præses perpetuò hoc observabit, ut ante omnia ingrediens Diocesim illius districtus Archiepiscopalis, Reverendissimum D. Ordinarium illius loci adeat, & cum omnimoda submissione facultatem ac benedictionem Clericos hujus Instituti in eadem Diocesi habitantes in ijs, quæ ad Oeconomicam hujus Instituti directionem spectant, visitandi humillimis precibus petat, ejusque imperio in omnibus obediat, & tunc demum visitationem suam in

Do.

Domino salubriter perficiat, eâque finitâ debitam relationem desuper Reverendissimo Domino Ordinario faciat. Quod idem respectu Reverendissimi Domini Archiepiscopi sui observabit, humillimè veram & sinceram relationem de omnium hujus Instituti Clericorum virâ faciendo, ac mandatis superioris potestatis in omnibus obtemperando.

CLXV.

Domus superiorum sui districtûs diligenter visitabit, atque ex mutua relatione prudenter explorabit in quo statu singula loca Instituti versentur, in visitatione sua Oeconomus pro rei exigentia mutabit, aut prout visum fuerit confirmabit; Præsidi quoque supremo hujus Instituti sinceram de statu in quo Clerici hujus Instituti in suo districtu pro tempore fuerint, relationem in scripto, vel si fieri possit in persona propria faciet, simulque etiam generalem notitiam eidem de statu temporalium rerum hujus Instituti exhibebit, cui etiam sine ullo Iurisdictionis publicæ præjudicio in omnibus obediet, & in rebus majoris momenti ad illius consilia, & voluntatem recurreret, in quacunque parte mundi existat.

CLXIV.

Præterea specialem curam domuum Iuventutis instituendæ, & Emeritorum gerens, singulis annis bis visitabit, diligenterque earum constitutionem domesticam tam in spiritualibus, quam temporalibus inspicies, cuncta semper ad Instituto conformem statum reducere, & conservare studebit. Dictis domibus superiores magistrosque alios tam studiorum, quam virtutum præficiet, & suo tempore pro utilitate, & necessitate mutabit; in Seminarijs verò Ordinariorum, & aliorum Patronorum prædictos superiores Reverendissimis DD. Ordinarijs commendabit, & nominabit, ut ab ipsis acceptentur.

CLXVII.

Mediorum præterea temporalium dictarum domorum dispensatio, ac cura penes ipsum stabit; quæ omnia & singula mediante Oeconomio sibi adjuncto, ad illarum emolumenta impendantur, porro singula seminaria, quæ à Sacerdotibus hujus Instituti diriguntur, particulares capfas habeant, super quorum bonis specialia quoque fiant ratiocinia: Idem observandum circa domus Emeritorum. Porro tam Seminariorum, quam domorum Emeritorum ratiocinia statutis temporibus à superioribus diligenter revideantur, si qui defectus inveniantur, corrigantur.

CLXVIII.

Cum præscitu, & consensu superioris potestatis singulis triennijs Conventus pro districtu Archidiœcesano in Civitate Archiepiscopali, vel in domo Emeritorum instituetur, ad quem omnes Præsides Diœce-

cesani in quâdam Archidiœcesi correspondentes cum consensu Reverendissimorum DD. Ordinariorû suorum comparebunt unâ cum œconomis suis, cui Præses illius districtûs Archidiœcesani prærit, ibique primò omnia quæ ex relatione Conventuum præcedentium Diœcesanorum, & decanalium, aut ex alio capite prolata, disciplinam & bonum hujus Instituti concernunt, auditis prius consilijs ac considerationibus singulorum, à dicto superiore facienda, vel omitrenda decernantur.

CLXIX.

In his Conventibus non attingentur, quæ Jurisdictionem cujuscunque Ordinarij concernunt; omnia denique quæ in Conventibus ordinata fuerint, prothocollo diligenter & ordinatè inferantur, ut Posteris, & Reverendissimis DD. Ordinarijs semper de omnibus ratio reddi valeat; fiet id per certas personas quæ tam hæc, quàm alia posteris pro notitia necessaria annotabunt. Post Conventum autem Archidiœcesanum celebratum Præses Reverendissimo D. Ordinario suo de super debitam relationem faciet.

CLXX.

Post novem annos in Conventu illius districtûs officium suum ad manus Præsidis supremi resignando mutabitur, & duo deputati, vel ipsimet Visitatores Præsidis supremi constituentur, qui vota Præsidum Diœcesanorum, & aliorum suscipientes Præsidi supremo transcribent, à quo notitia talentorum, quam ex factis sibi de singulis relationibus habere debet, ad votorum rationem simul attendendo, ex Viris sibi propositis præstantiorem pro Præsidi illius Archidiœcesani districtûs denominabit; qui postmodum Reverendissimo D. Archipræsuli suo per Iuramentum suprascripto modo, uti & Instituto se obstringet: quod si verò dictus Præses Archiepiscopo non placeat, tunc supremus Præses sine nova Congregatione aliam personam eidem nominabit.

CLXXI.

In illis locis ubi plures Diœceses unius Archiepiscopatus inter se connexionem habent, ac communem utilitatem domus Emeritorum, constituenda est capsa Archidiœcesana, ad quam tam Clericorum hujus Instituti non necessaria ex capsis Diœcesanis, quàm media aliunde advenientia deponi debent, ut pro utilitate ac necessitate totius illius districtûs Archidiœcesani expendantur, & applicentur. Clavem pro eadem habebit Præses Archidiœcesanus, alteram ejus Oeconomus, tertiam superior particularis illius domus, in qua capsam erit.

CLXXII.

Officiũ hujus Oeconomi erit, Præſidi illius diſtriſtus in Viſitatione addeſſe, & curam rerum temporalium hujus Inſtituti ubivis ſuſcipere, in omni loco neceſſitates, & omnia alia incommoda, quæ vel perſonæ particulares, aut integræ familiæ patiuntur charitative audire, & in Domino juxta directionem ſui Præſidis remedium adhibere, ac præſertim ratiocinia generalia ſuper bonis communibus Inſtituti per illum diſtriſtum conſicere. Hujus Oeconomi ordinationibus omnes alij Oeconomi inferiores acquieſcent, ita ut quidquid rationabiliter ordinaverit, obſervent. Ad hoc munus Viri in omni genere præſtantes requiruntur, qui & ipſi obediētes ſint, & in rebus alicujus momenti aliorum prudenti conſilio utantur, atque ubi rei gravitas requirere videbitur, ab ipſomet Præſide Archidiceſano ordinationem petant, e cujus directione perfectiſſimè in officio ſuo pendebunt.

DE PRÆSIDIS SUPREMI DIRECTIONE.

CLXXIII.

Huius Inſtituti caput ſub nomine Præſidis ſupremi vel Generalis conſtanter unum erit, hic Præſes totum Inſtitutum tam in ſpiritualibus, quàm temporalibus in quacunque mundi partem diſfuſum fuerit, aut diſfundetur, ſecundum Deum ſine ullo Reverendiſſimorum Dominorum Ordinariorum præjudicio, directione ſolummodò privatâ & Oeconomica ſecundum Conſtitutiones hujus Inſtituti à S. Sede Apoſtolica approbatas gubernabit.

CLXXIV.

Quidquid ergo bonum, vel conſervationem præſentis Inſtituti concernens tanti momenti fuerit, ut id ſuperiores eidem ſubordinari juxta ea, quæ in præcedentibus traduntur, neque per ſe, neque per Congregationum ſeu Conventuum conſultationes ob cauſæ gravitatem, decidere prudenter non potuerint, illud à Præſide ſupremo decernetur; & hæc ratione omnes hujus Inſtituti ſuperiores, & inferiores in ſuo ordine ſupremo Præſidi prædicto modo obediēti.

CLXXV.

Ipſe Præſes ſupremus Summo Pontifici, & Sanctæ Sedi Apoſtolicæ in omnibus quæ præſens Inſtitutum attinent ſpecialiter obediēt, eà prorsus ratione quâ Præſides particulares Reverendiſſimis ſuis DD. Ordinariis obediēre tenentur. Idem Præſes ſuo & Inſtituti nomine per Iuramentum Summo Pontifici & S. Sedi Apoſtolicæ poſt ſui electionem

nem se obligabit, prout etiam fidelitatem suam erga hoc Institutum per speciale Iuramentum prout sequitur promittet.

CLXXVI.

Formula Iuramenti pro Præsede supremo.

EGO N. N. Instituti Clericorum Sæcularium in Commune viventium Sacerdos & ab eisdem Instituti Præsilibus Canonice electus Præsides Generalis tibi Sanctissimo Domino Nostro N. N. Tuisque canonicè intransibilibus Successoribus, ac S. Sedi Apostolicæ spondeo, & iuro me sub obedientia Sanctitatis Tux & Successorum tuorum in vita Clericali juxta Constitutiones Clericorum Sæcularium in Commune viventium ab eadem S. Sede Apostolica approbatas semper victurum & moriturum, insuperque Clericos omnes hujus Instituti sic curæ meæ commissos & committendos, sub omnimoda R. R. DD. Ordinariorum jurisdictione juxta easdem Constitutiones fideliter directurum, ac quantum in me est ad mandatum Sanctitatis Tux in quavis mundi partes missurum, & cooperaturum, ut hæc vita Clericalis ex primario suo fine animarum curam per ordinarias functiones parochiales cohabitando intendens constanter perseveret. Sub die N. Mensis N. Anno N. sic me Deus adjuvet, & hæc Sancta Dei Evangelia.

CLXXVII.

Formula Iuramenti pro eodem Præsede per quod se toti Instituto obligare tenetur.

EGO N. N. Instituti Clericorum Sæcularium in commune viventium Sacerdos, & ab eisdem Instituti Præsilibus canonicè electus Præsides supremus, vobis nomine totius Instituti congregatis spondeo, & iuro me in vita Clericali juxta Constitutiones Clericorum Sæcularium in commune viventium à S. Sede Apostolica approbatas semper victurum & moriturum, insuperque Clericos omnes hujus Instituti sic curæ meæ commissos, & committendos sub omnimoda Reverendissimorum Dominorum Ordinariorum autoritate & jurisdictione juxta easdem Constitutiones fideliter directurum & cooperaturum &c. ut supra.

CLXXVIII.

Ad Præsidem supremum spectabit vitam Præsidium in diversis Archidiocæsis, & Diocæsis præsertim quoad directionem à Præsede Archidiocæsano non dependentibus, per suos visitatores generales, aut per aliud delegatum inspicere, & ex urgentibus causis, etiam

extra

extra tempus ordinarium; eosdem Superiores cum consensu Reverendissimorum Dominorum Ordinariorum modo supradicto mutare; de incorrigibilibus respectu rerum Instituti eidem Præsidi relatio maturè fiet, ut si ita necesse visum fuerit, tales de mandato, & consensu Reverendissimorum Dominorum Ordinariorum (servatâ Sacrorum Canonum & Sac. Trident. Concilij dispositione, & attentâ Clericorum hujus Instituti ex pacto mutuo proveniente erga Superiores ejusdem Instituti in similibus casibus obligatione) à beneficijs amoti in domo Emeritorum seorsim vivant, juxta ea quæ habentur parte terciâ de Directione Domuum Emeritorum.

C L X X I X.

Quod si in aliqua Diœcesi vel Regione de novo introductio hujus Instituti à Reverendissimo Domino Ordinario desideretur, Præsens supremus ordinationem desuper faciet, & personas qualificatas determinabit, quæ illuc mittantur, atquæ ubiquè locorum cum consensu Reverendissimorum Dominorum Ordinariorum præsens Institutum introducere allaborabit. Quoniam verò nemo sibi ipsi sufficiens, præsertim in re tanti momenti, hinc dictus Præsens juxta se viros doctos & prudentes ex omnibus orbis partibus habebit, qui eidem in rebus agendis adsint.

C L X X X.

Ex his duo assistentes Præsidis erunt, alter in spiritualibus, alter in temporalibus quoad Oeconomicam directionem totius Instituti; & universim tam hi, quàm alij prædicti apud eundem Præsidem habitabunt, ut ipse singulorum consilio & operâ in gubernatione totius Instituti rationabiliter utatur. Duos etiam Generales visitatores constituet ex iisdem sibi cohabitantibus, qui singulis circiter decennijs omnes domos, in quibus Superiores hujus Instituti cum ijs, qui ipsis à consilijs sunt, habitant, & maxime domos juventutis, ac emeritorum, eorumque Superiores visitando, diligenti circumspeditione statum singulorum quaque uniformitate ubiquè vivatur, intelligant; errata Superioribus locorum corrigenda, & ad uniformitatem reducenda commendabunt; graviora verò annotabunt, domum suo tempore reversi Præsidi supremo sinceram relationem suæ visitationis tradent.

C L X X X I.

Ad quamcunque Diœcesim prædicti Visitatores pervenerint, semper Reverendissimis Dominis Ordinarijs se sistant, ac humillimis precibus petant, quatenus sibi liceat in domibus prædictis notitiam de statu rerum hujus Instituti accipere; priusquam etiam ex ejusdem territorio decedant, se Reverendissimo Domino Ordinario denuo sistant, & si quid notabile emendandum occurrerit, eidem humillimè

indicabunt, ut si ita placuerit, ipsemet ad ea quæ hujus Instituti propria sunt, Superiores, aliósque Clericos hujus Instituti urgeat, & adstringat.

C L X X X I I.

Conventus generalis cui Præsides cujuscunque districtus Archidiœcesani unâ cum suis Oeconomis, quantum possibile fuerit, interesse debent, uti etiam alij Præsides ab Archidiœcesano independentes, ac præterea ij qui Præsidi supremo à consilijs sunt, ordinati singulis decem, vel etiam postquam res Instituti bene ordinatæ fuerint, post plurimum etiam 20. annorum spatium habebitur, prout necessitas rationabiliter sæpius, vel rariùs instituendum postulaverit. Sententia conclusiva, quæ in Domino omnibus vel majori parti videbitur, penes supremum Præsidem stabit.

C L X X X I I I.

Idem Conventus prædicto modo fiet ad mortem supremi Præsidis, vel si ex mandato aut consensu Summi Pontificis, in casu gravis necessitatis Præsides ab Officio deponendus foret: ordinatio autem conventus in hoc casu præcipuè ad assistentem ejusdem Præsidis in spiritualibus pertinebit, donec in eodem Conventu alius Præsides debirè electus fuerit, & si in alia Vrbe Conventus habeatur, à Summo Pontifice confirmatus fuerit; ex quo tempore continuatio, & absolutio hujus Conventus ad ipsummet Præsidem spectabit.

C L X X X I V.

Ad sinceriores omnium causarum & necessitatum in conventibus propositionem, relationemque obtinendam, præter Superiores, ex districtibus singulis saltem duo Verbi gratia ex quovis districtu Decanali duo Parochi ad Conventum Diœcesanum, ex Diœcesi duo Decanali districtuum Superiores ad Conventum alicujus districtus Archidiœcesani; ex districtu Archidiœcesano duo Præsides Diœcesani ad Conventum generalem destinabuntur; qui prudentiâ & pietate præstantes non solum actorum, Verum etiam statûs, in quo singula loca subsistant, aut deficiant, uti & conversationis ipsorum Superiorum testes, & arbitri erunt.

C L X X X V.

Cum bona Communitalis juxta superius dicta num. 22. ex unâ in aliam Diœcesim per se transferri non possint, ideo nulla capsâ totius hujus Instituti communis constitui poterit. Unde Præsides Generalis non nisi particularem capsam suæ familiæ in domo sua habebit. Casu tamen quo per Patroni alicujus dispositionem toti Instituto aliquid concederetur sinè ordine ad certam Diœcesim, vel Archidiœcesim, supremi Præsidis erit cum suo Oeconomo curam hujus habere, & operam dare ut pro Emeritorum domo, Seminario Instituti proprio,

pro

pro Missionibus ad loca hæreticorum seu infidelium destinandis, pro alijs communibus Instituti necessitatibus sublevandis, vel aliter ad satisfaciendum Benefactoris aut Patroni intentioni, & voluntati utiliter applicetur.

De Oeconomo supremi Præsidis.

CLXXXVI.

AD Oeconomum supremi Præsidis, qui rerum temporalium, hujus Instituti generalem & ultimam dispositionem habet, omnes Causæ graviore, circa prædictarum rerum Ordinationes occurrentes, quæ ipsius supremi Præsidis judicio ac decisione discutendæ, ac determinandæ videntur, ex omnibus locis sive particularibus Diocesibus deferentur, cujus ultimæ dispositioni, quæ à supremo Præside semper derivabitur, omnes per obedientiam acquiescent; Generalem quoque calculum & notitiam rerum temporalium totius Instituti habebit.

CLXXXVII.

Finaliter hujus Instituti directiva Superioritas ab infimo ejusdem gradu usque ad supremum Præsidem illi Majestativæ Superioritati, quæ in foro Ecclesiastico est, non solum non præjudicat, sed potius subservit, ac famulatur, eidemque subordinata semper obedit; dum ex una parte totum hoc Clericale Institutum cum omnibus suis membris se primò Summo Pontifici Romano, dein secundò Reverendissimis Dominis Ordinarijs eadem quâ prius, inò etiam majore subjectione per obedientiam & inviolatum erga jurisdictionem Ordinariorum respectum in foro Ecclesiastico penitus submittit; ex altera parte, tertio per paternam & Oeconomicam hujus Instituti directionem Clerus sæcularis suavi, & charitativâ viâ (cum Constitutiones per se juxta Sacerdotum Constitutionem 46. sub peccato non obligent) à corruptela vitiorum & perniciosis defectibus Clericorum præsertim, Curæ animarum præpositorum magnam partem liberari & in libertatem sanctæ conversationis in hoc sæculo, cooperante divinâ gratia, redigi poterit; & sic quartò Reverendissimis Dominis Ordinarijs tam à Superioribus, quàm inferioribus totius hujus Instituti membris debita obedientia, reverentia, & subiectio perfectè præstabitur.

PARS TERTIA. CONSTITVTIONES

PRO DIRECTIONE SACERDOTVM, ALIORVMQVE CLERICORVM SENVM, ET ALIAS AD OFFICIA ET BENEFICIA ECCLESIASTICA EX QVOCVNQVE DEFECTV INHABILIUM IN DOMIBVS EMERITORVM.

PRÆNOTATIO.

De fine, utilitate, & necessitate Domuum Emeritorum.

FInis quem Clericale hoc Institutum in erectione ejusmodi domuum Emeritorum intendit, earumque multiplex utilitas, quæ ad diversos exinde redundat, uti & necessitas in eo est. Prodest namque imprimis Reverendissimis Dominis Ordinarijs, ut Clericos suos in praxi eorum, quæ ad curam animarum spectant informandos curare, & facilius in Clericali vita & honestate continere, senes quoque & alios ad curam animarum inhabiles (servatâ Sac. Canonum & Sac. Trident. Concilij dispositione, & attentâ ex pacto mutuo inter Clericos hujus Instituti proveniente obligatione) maturè ab eadem remove possint, ne dum nescitur ubi, aut undè necessaria illorum sustentatio procuranda sit, diu non sine magno suo incommodo, majoremque subditorum periculo in ea relinquantur, postquam per senium vel alium defectum eidem amplius convenienter præesse non possunt. Prodest deinde iisdem Reverendissimis Dominis Ordinarijs, vel alijs, qui prædictis Clericis cum ad Sacros Ordines promoventur, titulum mensæ tribuerunt, dum occurrente casu, quo illo aliâs uti deberent, communibus Instituti bonis sustententur, ipsique hoc onere eosdem sustentandi sublevantur. Prodest insuper tam Clericis huic Instituto addictis, quàm fidelibus maximè quorum curæ præfecti sunt; Clericis quidem dum illis in senio, uti & in casu quo in grave peccatum, vel scandalum ex humana fragilitate lapsi forent, commodissima ipsis in se redeundi, pœnitentiam agendi, commissâ peccata expiandi, & vitam seriò emendandi occasio præbetur, ne diu cum suo dedecore, totius Cleri opprobrio & magno tum Catholicorum, tum acatholicorum scandalo in publico circumvagari permittantur. Fidelibus

delibus verò dum maturè à scandalis Clericorum liberantur , & loco tædioforum senum , vel aliàs inhabilium Sacerdotum idoneos animarum curatores nanciscuntur . Prodest denique universali Christi Domini Nostri Ecclesiæ , ad cujus propagationem ex ejusmodi domibus , ubi super numerarij nonnulli sustentari possunt , Sacerdotes aspirante Divinæ gratiæ ad missiones in terras hæreticorum & infidelium non , secus ac ex Religiosorum cœtibus viri probi , docti , ac zelosi educi poterunt , quas eò promptiùs suscipient , quo certiùs norunt quod in senectute , vel alià superveniente inhabilitate post exanthlatos in hujusmodi missionibus labores rursus ad ejusmodi domum recursus habere possint . Nec adeò magna erit in erigendis , & instruendis , fundandisque ejusmodi domibus difficultas , cum in quavis Archidiœcesi , vel saltem ampliore Diœcesi , non nisi una talis Domus sit necessaria , ad quam erigendam , & necessarijs rebus instruendam , omnes huic Instituto addicti Clerici pro facultatum suarum modo concurrent ; itaque bona Ecclesiastica , congruè sustentationi suæ superflua , quæ aliàs in pios usus expendere deberent , in hunc determinatum , pium , valdeque clericali vitæ convenientem usum præ cœteris expendent , ac relinquent , idque in ea Provincia ubi fuerunt acquisita . Sperari quoque potest , fore ut Deus aliorum quoque patronorum animos subinde exciter ad hanc piam , totique Ecclesiæ Dei utilem intentionem in opus redigendum .

*Quanam persona & ob quem finem recipiendi sint
ad Emeritorum domos ?*

I.

VT post exanthlatos vitæ activæ labores Sacerdotes senio confecti sine molestia seorsim vitam quietam vivere , & cursum suum in sanctitate feliciter consummare valeant , in quavis Archidiœcesi , vel etiam ampliore quadam Diœcesi domus aliqua omnibus tam corporalibus , quàm spiritualibus vitæ subsidijis probè instructa erigatur , & fundetur .

I I.

Ad hanc domum primò recipiantur Emeriti , sive senes Sacerdotes , qui in illa Archidiœcesi , vel Diœcesi post multas vitæ activæ impensas operas reliquum vitæ tempus in majore tranquillitate , & vitæ contemplativæ exercitationibus transigere constanter desideraverint .

I I I.

Secundò Si quos corpore vel animo ad obeunda munia Ecclesiastica ob Canonicum aliquod impedimentum ex quocunque casu contractum inhabiles reddi contigerit , recipiantur pariter in domum Emeri-

Emeritorum, ubi ipsis in charitate omnia vitæ necessaria usque ad vitæ finem subministrantur .

I V.

Tertiò Siquis Sacerdotum viliscentibus sibi omnibus quæ in mundo sunt vehementiore Spiritus Sancti impulsu ad vitæ contemplativæ exercitationes quodammodò rapi videatur , Superiores probato illius Spiritu cum consensu Reverendissimi Domini Ordinarij permittere illi poterunt , ut in Domo Emeritorum liberè ejusmodi exercitijs vitæ contemplativæ totum se dedere possit .

V.

Quartò Qui foris educati, & adulti hoc Clericale Institutum amplecti voluerint , in eandem domum recipiuntur , donec eorum vocatione sufficienter exploratâ juramentum quatuor punctorum substantialium ad manus Superiorum faciant .

V I.

Quintò Supernumerarij Sacerdotes , recenterque ordinati, & exules in hac domo eò usque commorentur , donec pro ijs vacans aliquod beneficium, vel alia occasio eos ad Curam animarum applicandi emerferit .

V I I.

In hac Domo delinquentes pœnitentiam statutam à Superioribus vel (si delictum sit publicum , aut aliàs ejus qualitas postulare videatur) ab ipsismet Reverendissimis Dominis locorum Ordinarijs dictam juxta eorundem ordinationem agant, donec eorum vulnera spiritalia sanentur: seorsim etiam in eadem Domo Sacerdotes incorrigibiles in Custodia perpetua aserventur , donec in pœnitentia vitam suam finiant , vel sinceram ac constantem emendationem per talia signa præferant , ut siue propinquo relapsus periculo prudente Superiorum judicio inde dimitti posse videantur .

De ordinatione , & dispositione domuum Emeritorum .

V I I I.

A Nec omnia circumspectient Superiores hujus Instituti , ut dictæ domus Emeritorum in loco tuto , sano , & ab hominibus remoto erigantur ; Medicus etiam ibidem resideat , aut saltem in vicinia ad manum commodè haberi possit . Ad formam domorum instituendæ juventutis in tres contignationes distinguantur , in quarum prima defectuosi , in secunda animo corporeque valentes , & denique in tertia pœnitentes & incorrigibiles seorsim accommodantur .

I X.

In Instructione conclavium pro habitatione singulis deputandorum duo extrema diligenter vitanda sunt. Prius est ne quid necessarium in illis desit, posterius ne quid in iisdem sit superfluum. Quæ necessaria sunt, munda sint, & pulchro ordine suis quæque locis disposita, idque quoad fieri potest uniformiter; videlicet mensa, aliquot sedilia, pluteus, atramentarium, & reliqua ad scribendum requisita, scabellum ad meditandum, & alias devotiones flexis genibus exercendas, in cuius medio sit imago Christi Crucifixi, cum alia quadam Beatissimæ Virginis imagine, vasculum pro frigida, mantile, & vasculum pro aqua lustrali.

X.

Porro in unoquoque loco Oratorium domesticum constitui debet, in quo consuetæ preces ordinatè persolvantur, in hoc Oratorio Altare aliquod Beatæ Virginis Mariæ cum Imagine Crucifixi, & alijs ornamentis fiat, quibus mens ad maiorem devotionem per Dei gratiam excitari valeat. Subsellia quoque fiant, quibus humana fragilitas inflectendo aut sedendo sufficienter sublevetur.

X I.

Refectorium mundum sit, & exornetur pijs imaginibus inter quas præcipua ultima Cæna Domini existat; sit ibidem Cathedra pro lectione ad mensam; cubicula infirmorum à communi dormitorio separata juxta Oratorium domesticum constituantur, ex quibus infirmi Sacrum, & Confratrum suorum consuetas preces audire possint, in quem finem parietes per ferreos Cancellos prospectum aperiant.

X I I.

Dormitoria denique ob multas rationabiles causas, & commoditates ubique locorum, quantum fieri potest, à conclavibus singulorum in quibus de die habitant, separata erunt. In quavis ejusmodi domo sit horologium domesticum cum turricula, & Campana supra domum pro signis ad exercitia spiritualia dandis.

De fundatione domuum Emeritorum, deque cura bonorum temporalium ad easdem pertinentium.

X I I I.

Fundatio pro Domo Emeritorum in quavis Archidiœcesi vel ampliore diœcesi haberi poterit ex Collatione bonorum juxta Constitutionem 19. Sacerdotum, uti & ope pijsque legatis patronorum. Regulariter observari poterit, ut media pars prædictorum bonorum applicetur ad domos Emeritorum, & altera media pars, ad domos

domos juventutis, ita tamen ut alijs necessarijs expensis faciendis pariter satisfiat.

X I V.

Cura bonorum temporalium in prædictis domibus ad Oeconomos spectabit, quorum unus in quavis Archidiœcen, uti etiam Diœcesi penes Prælidem residebit; Idem Oeconomus in fundatione ejusmodi domorum providè attendant, ut bona temporalia debitâ humanâ securitate conserventur, & ad usus necessarios expendantur.

X V.

Quoad legata, aliaque à Patronis oblata eorundem mens observanda erit; Vnde ea quæ præcisè ad domos Emeritorum dantur, ad easdem & non aliter applicentur; quæ verò ad domos juventutis sub eadem conditione assignantur, pro iisdem applicentur; Quæ verò indifferenter ad bonum Cleri huic Instituto assignantur, juxta prudentem Superiorum dispositionem applicanda erunt.

X V I.

Tam in fundatione domorum instituendæ juventutis ex medijs Communitatis, quàm Emeritorum expressè dominium & omnis dispositio huic Instituto illiusque Superioribus reservetur, ut quandoquidem in beneficijs continuam successionem (nisi fortè ex speciali gratia Patronorum) non habeant, saltem in prædictis domibus Institutum stabiliter subsistere possit: ut proinde meritò Instituti hujus Clerici, & Sacerdotes in dispositione circa bona sua temporalia præcipuam harum domuum debitè fundandarum rationem habere debeant. Factâ autem semel sufficiente prædictarum domorum in aliqua Archidiœcesi, vel Diœcesi fundatione, ea quæ superesse contigerit, in alios pios usus, & tam Clericali huic Instituto, quàm ipsimet Archidiœcesi, vel Diœcesi in qua versantur, proficuos usus expendantur, ut & Cura animarum meliùs geratur, & ea quæ Institutum hoc præscribit, commodiùs in praxim redigantur, prout in Domino visum fuerit.

*Quinam Superiores in Domibus Emeritorum esse debeant,
& quodnam eorum sit officium.*

X V I I.

IN Domo Emeritorum non solùm Præses Archidiœcesanus (aut si in Diœcesi quâdam ejusmodi domus sit, Præses Diœcesanus) extra visitationem tanquam in proprio suo domicilio habitabit, verùm, etiam plures viros prudentes ibidem secum habeat, quorum Consilio in directione sua, & in faciendis dispositionibus suis, saltem quæ majoris momenti esse videbuntur, semper utatur.

Ad

X V I I I.

Ad eundem Præsidentem spectabit circa personas senum, infirmorum, inhabilium, & eorum qui graviter deliquerunt, providè in Domino disponere. Quod si Præsides Archidiœcesanus, vel Diœcesanus in officio Reverendissimi Archiepiscopi, vel Reverendissimi Domini Episcopi sit, in ejusdem Civitate principali, vel ubi ejusmodi officium requisiverit, cum aliquot viris prudentibus residebit, & quidem in Domo Emeritorum, siquæ in eo loco sit, si verò ejusmodi Domus ibi non sit, extrâ illam tali loco, quoad fieri poterit, habitabit, ut prudentes quosdam Viros Seniores, qui hujus Instituti Constitutiones & scopum callent, secum habere, & per litteras consulere possit.

X I X.

Superiores qui immediatam directionem domuum Emeritorum habent, erunt Primò in quavis Domo Superior sub titulo Regentis sive Directoris, qui non solum ætate, verum magis prudentia, discretione, patientiâ, humilitate, gravitate, & sollicitudine charitatis IESU CHRISTI maxime inter omnes eminere conspiciatur, qui legem amoris fraterni regalem exactè implere, & omnia omnibus fieri noverit.

X X.

Secundò ex Senioribus Domus unus Pater Spiritualis constituitur, qui recenter ordinatos Sacerdotes exerceat, & curam eorum Sacerdotum gerat, qui à Præsidente suscepti sunt, ut in rebus Instituti ibidem informantur. Præterea ex Senioribus præficiatur pro pœnitentibus, qui verbo & exemplo potens pœnitentes, & incorrigibiles Sacerdotes pro tempore ibidem manentes omnibus modis ad meliorem frugem, & in viam salutis æternæ reducere ex professo studeat.

X X I.

Denique ex iisdem senibus quidam ad hoc idoneus pro excipiendis Confessionibus deputetur, qui ordinariè omnium, qui in tali domo sunt, Confessarius existat. Directori domus adjungatur persona qualificata, quæ Oeconomiam administret, ratiocinium super annuos redditus faciat, omniaque necessaria ad Culinam, Cellam, & pro universâ Domo secundum voluntatem directoris sollicitâ fidelitate dispenset.

X X I I.

Singularem Superiores in hisce domibus infirmorum curam gerant & ut idem à domesticis fiat, sedulo curabunt; In hunc finem informantur qualiter infirmis in charitate, mansuetudine & patientiâ inserviant, & ministerium Marthæ impleant. Nemo verbo, facto, aut vultu torvo illis, ut à manu Dei tactis, & afflictis alteram addat af-

fictionem. Defectuosus & infirmis cibis ac potus singulis dispense-
tur, prout consilio medici bonum, & salutare omnibus visum fuerit:
qui animo & corpore valentes ad refectorium accedere poterunt, unâ
communi mensâ fruuntur. Defectuosis necessaria ad uniuscuiusque
cubiculum proprium porrigantur.

X X I I I.

Tam ministerium culinæ, quàm reliquæ domûs idoneis famulis (si
fieri possit ijs, qui ad dies vitæ in cœlibatu cum hisce Clericis vive-
re desiderant) committatur; talis verò ordinatio domesticorum,
tam pro culina, quàm pro ministerio domûs, & defectuosorum fa-
militio fieri debet, qualem prudens Superiorum iudicium necessariam
iudicabit.

De Conversatione Sacerdotum, & eorum qui habitant in domo Emeritorum.

X X I V.

Sacerdotes Emeriti ad solidam omnium virtutum perfectionem
pro viribus conentur, utpote qui temporalibus curis alijsque
negotijs liberari maiorem facultatem habent, ad omnimodam vi-
tæ integritatem incumbendi. Quamobrem viam veræ perfectionis
ac Christianarum virtutum, quæ hominem nostrum tam interio-
rem, quàm exteriorem perficiunt, studiosè omnes & singuli te-
neant.

X X V.

Præcipuè verò se perficiant in studio trium virtutum theologica-
rum, in Christiana pietate ergâ Christum, Deiparam, & omnes
Sanctos, in ardore animi ad Divina, in puritate intentionis, in
studio solidarum virtutum, in Christiana humilitate, & simplici-
tate, in prudentia, in scientia practica, & discretivâ boni, & ma-
li in agendo, in spiritu cœlestium consolationum, & opposita-
rum desolationum, ac tentationum, in principijs & regulis di-
cretionis, quibus informamur contra nequitias concupiscentiæ
carnis.

X X V I.

Eum exercitiorum spiritualium cursum, qui in stationibus omni-
bus huic vitæ Clericali addictis præscriptus est, omnes & singuli,
quantum per vires licet, diligenter observent, ut scilicet manè statu-
rà horâ surgant, preces matutinas cum examine conscientiæ simul
persolvant, ijsque finitis, saltem per mediam horam sacræ medita-
tioni vacent.

XXVII.

Tempus reliquum post meditationem usque ad quadrantem ante prandium recitationi horarum Canoniarum, celebrationi missæ, rerum cœlestium contemplationi, Sacræ Scripturæ, & spiritualium librorum lectioni, alijsque piæ occupationi secundum cuiusque talentum, & superiorum directionem singuli utiliter impendant.

XXVIII.

Vno quadrante ante prandium litanias omnium Sanctorum cum alijs consuetis juxta stationes perfolvant; tempore prandij, uti & cœnæ lectio sacra habeatur, post refectiorem per duas horas circiter tempus indifferens relinquatur; postea pro varietate personarum rursum, utilesque magis occupationes juxta eorundem superiorum ordinationem resumentur; Horâ tertiâ post meridiem recitentur Vesperæ cum Completorio; unâ horâ ante cœnam, vel paulò prius recitentur Matutinum cum laudibus pro die sequenti; ultimo deinde quadrante ante cœnam fiat præparatio pro meditatione sequentis diei; unâ horâ post cœnam recitabunt Rosarium, cui subjungent examen conscientiæ eo modo quo in stationibus præscribitur.

XXIX.

Circa infirmos observetur, quod de charitate & discretione iisdem exhibendâ supra ordinatum est: Cui hic addendum, quod sicut tria sunt genera infirmorum, ita tribus quoque modis sublevari debeant; sunt enim infirmi primò qui debilem complexionem aut ab ipsa natura, aut ex accidente alio habentes charitativâ curâ, & indulgentiâ discretionis indigent; sunt secundò alij infirmi qui multis passionibus laborantes à superioribus, & alijs prudenter supportari debent; Tertiò sunt qui verè morbo aliquo decumbentes curâ corporali charitativâ opus habent. His omnibus charitativâ compassione, & rationabili obsequio, secundum cuiusque præsentem necessitatem succurrendum esse charitas Christi requirit. Insuper omnis humanitas possibilis hujusmodi infirmis & debilibus exhibenda est, ut qui flagellati sunt à Domino (quia corpore infirmi sunt) à nobis in charitate Christi sublevantur.

XXX.

Si quis superiorum judicio habiles fuerint, applicentur ad Sacræ Scripturæ interpretationem, ut sapidiorem genuini sensus nucleum inde eruentes & breviter annotantes concionatoribus quasi officinam efficaciorum materiarum ad convertendos peccatores, & hæreticos ad manum porrigant. Inferioris intelligentiæ Sacerdotes in conficiendis munusculis catechistarum, alijsque similibus pro cuiusque capacitate honestè occupentur.

Etſi Sacerdotes in ejuſmodi domo commorantes curam animarum ob ſenium, vel alias cauſas ordinariè non ſint habituri, pro neceſſitate tamen locorum ad audiendas confeſſiones (In Eccleſia propriis, vel in ſubſidium Parochorum in viciniis habitantium pro exigentia temporum) exponantur ij, quos ab Ordinarijs approbatos ſuperiores habiliores judicaverint. Similiter occupabuntur in ſermonibus familiaribus ad populum, in inſtituendis pijs Oratorijs per ſeptimanam aliquoties, in informandis Sacerdotibus & Clericis circa ritus, & cæremonias Eccleſiaſticas, unà cum exercitijs ſpiritualibus, in miſſionibus ad pagos, & oppida, ubi iuxtà circumſtantias locorum id requiritur ad nutum Reverendiſſimorum Ordinariorum, & in alijs ſimilibus pijs exercitationibus. Circa alia obſervabunt Conſtitutiones, quæ pro Clericis in communi præſcriptæ ſunt.

De Sacerdotibus alijsque poſt ſtudia ſua abſoluta ad hoc Inſtitutum ſuſcipi deſiderantibus in domo Emeritorum ad tempus bene erudiendis.

XXXII.

IN eadem Domo Emeritorum ad tempus aliquot erunt Sacerdotes illi, qui Inſtituto huic associari deſiderant, donec ſcilicet in principijs ſpiritualibus, & alijs in hac Clericali vitâ obſervandis ſufficienter inſtructi fuerint, norintque modum meditandi, per examen conſcientiæ ſeſe recolligendi, & alia ad proſectum in ſpiritu neceſſaria.

XXXIII.

Per ordinem quotidie certâ determinatâ horâ iſtruantur circa diurnum curſum precum, & aliarum exercitationum ſpiritualium, videlicet quas preces, & quâ intentione quotidie Clerici perſolvere teneantur.

XXXIV.

In his ſufficienter exercitati ad exercitium ſacræ quotidianæ meditationis tam ſpeculativè, quàm practicè addiſcendum inducantur, ad eum ſerè modum, qui pro inſtitutione Iuventutis eſt præſcriptus.

XXXV.

Præterea per ordinem de Conſtitutionibus circa temperantiâ, cohabitationem ſocialem Clericorum, Communicatem bonorum, ſeparationem mulierum, & denique circa aliâ hujus Inſtituti puncta informetur, quantum omnibus communiter ſcire fuerit neceſſarium.

Denique

XXXVI.

Denique eorum tam homo interior, quàm exterior in exercitio virtutum tam speculative, quàm practice instituatur, quomodo videlicet virtutes Christianas exercere, & passiones mortificare, quàm item discretionem exterius cum hominibus conversari debeant.

XXXVII.

Præcipue tamen exerceantur in humilitate, patientiâ, & propriæ voluntatis, bonorumque temporalium abnegatione. Ultimo mense fiat brevis prædictorum recapitulatio, quâ finitâ constantem voluntatem habentes ad exercitia spiritualia inducantur, & postmodum ad iuramentum quatuor substantialium admittantur.

XXXVIII.

Toto probationis tempore cursum quotidianum cum senioribus observabunt, & insuper singulis septimanis bis, die videlicet jovis, & Sabbathi confitebuntur; die verò Dominicâ & præcipuis festis ad accipiendum robur animæ Sacrâ synaxi relincentur. Ut assuescant in reliqua vita sua, ordinariâ cibi, potusque dispensatione esse contenti, regulariter, nisi ægrotent, extra tempus prandij, & cœnæ abstinere.

Quomodo delinquentes in domo Emeritorum accommodandi, ac tractandi sint.

XXXIX.

IN superiori contignatione domus Emeritorum pro Clericis & Sacerdotibus graviter delinquentibus, aut incorrigibilibus separatur locus, & in aliquot cubicula interdistinguat, ita tamen ne emeritis Sacerdotibus molestia, & incommodum causetur; eorum fenestras ferreis clathris bene muniantur; Ianuæ clausuram ad prohibendum exitum habeant, ad quem solus superior claves sibi retinebit; medium ianuæ ad deferendos cibos, aliaque necessaria sic accommodetur, ut possit occludi.

XL.

Ad honestatem Clericalem salvam conservandam, & veram charitatem ostendendam etiam discoli in domo Emeritorum mediocri victu sustententur; lecto quoque, & alio necessario vestitu, quantum penitenti ad conservandam corporis mundiciem concedi potest, non priventur.

XLI.

Cursum quotidianorum exercitiorum spiritualium omnibus huius Instituti Clericis communem quotidie pro se persolvant: reliquum tempus in consideratione, & seriâ detestatione peccatorum suorum, libro-

librorum lectione, & voluntariâ ejusmodi exercitiorum susceptione, quæ tum ad expianda peccata, tum ad extirpanda vitia præcipuè conducant, piè, utiliterquè transigant. Capella domestica sic approximata eorum habitationi pateat, ut omnes quotidie per cancellos propicientes audire sacrum valeant.

X L I I.

Pater eorum spiritualis frequenter eos sermonibus exhortetur ad patientiam in subeunda statuta pœnitentia, consoletur pusillanimes, puniat delinquentes, compescat insolentes, singulis octo diebus confiteantur, & communient, quod præcipuis anni diebus festis similiter ipsis permittatur, dummodò digni ad hoc inveniantur.

X L I I I.

Nemo ad ipsorum colloquium ordinariè admittatur nisi Pater Spiritualis, & Superior, quosquæ admittere eidem Superiori in Domino visum fuerit. In morbis eorum cura habeatur, eademque charitas exhibeatur, quæ superius pro alijs Clericis infirmis fuit instituta, similiter tractentur mortui, si piè in Domino obierint.

X L I V.

Quod si quis solidis argumentis veram emendationem præstulerit, sufficientemque pœnitentiam super peccata perpetrata egerit, superior pro sua discretione cum præscitu, & consensu Reverendissimi Ordinarj eum liberabit, & cum senioribus vitam degere permittet, si aliò utiliter, & securè & absquæ scandalo destinari non possit.

NObis proptereâ dicti exponentes humiliter supplicari fecerunt, ut sibi in præmissis opportunè providere, & ut infra indulgere de benignitate Apostolicâ dignatemur. Nos igitur eosdem exponentes, quorum strenuos in viucâ Domini labores ad animarum salutem multum utilitatis allaturos esse in Domino speramus, amplioris favore, gratiæ prosequi volentes, & eorum singulares personas à quibusvis Excommunicationis, Suspensionis, & Interdicti, alijsque Ecclesiasticis sententijs, censuris, & pœnis à jure vel ab homine quavis occasione vel causâ latis si quibus quomodolibet innodatæ existunt, ad effectum præsentium duntaxat consequendum harum serie absolventes, & absolutas fore censentes, hujusmodi supplicationibus inclinati, de congregationis nonnullorum ex Venerabilibus fratribus nostris S. R. E. Cardinalibus, & aliquorum ex dilectis filijs Romanæ Curie Prælatis ad supradictas Constitutiones examinandas à nobis specialiter deputatæ,

tatæ, quæ rem maturè discussit, consilio, omnes & singulas Constitutiones præinsertas auctoritate Apostolicâ Tenore præsentium confirmamus pariter, & approbamus, illisque inviolabilis Apostolicæ firmitatis robur adijcimus, ac omnes, & singulos Iuris & facti defectus, si qui desuper quomodolibet intervenerint, supplemus. Decernentes easdem præsentis Litteras, ac Constitutiones præinsertas semper firmas, validas, & efficaces existere, & fore, suosque plenarios & integros effectus sortiri, & obtinere, ac illis ad quos spectat, & pro tempore quodocunque spectabit in omnibus & per omnia plenissimè suffragari, & ab eis respectivè inviolabiliter observari; sicque in præmissis per quoscumque Iudices Ordinarios & delegatos, etiam Causarum Palatii Apostolici Auditores judicari, & definiri deberè, ac irritum & inane si secus super his à quoquam quâvis auctoritate, scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, nec non quatenus opus sit quibusvis etiam juramento Confirmatione Apostolicâ vel quâvis firmitate aliâ roboratis statutis & consuetudinibus; privilegij quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum Tenores præsentibus pro plenè & sufficienter expressis, & ad Verbum insertis habentes, illis aliàs in suo robore permansuris, ad præmissorum effectum hæc vice duntaxat specialiter & expressè derogamus ceterisque contrarijs quibuscunque. Volumus autem, ut earundem præsentium litterarum transumptis, seu exemplis, etiam impressis, manu alicujus Notarij publici subscriptis, & sigillo personæ in Ecclesiasticâ dignitate constitutæ munitis, eadem prorsus fides tam in Iudicio, quàm extra illud ubique locorum habeatur, quæ haberetur ipsis præsentibus si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die xvij. Augusti MDCLXXXIV. Pontificatus nostri Anno octavo.

I. G. Shufius.







